

世界之戰



時 報 館 發 行

新 編 延 年 益 壽 文 理

是書裝訂一巨冊、除三色圖外、共有三百七十餘面、全書共十五萬字、插圖百餘幅、定價大洋



三元、並無折扣、遠埠函購、不取郵費、匯兌不便之處、可以郵票代價、惟以二角以內者為限。

本書專敘解剖、生理、衛生、病理、及療法、並用藥法、(每一藥名附註西文)以及用藥之分量、與以上各學有關者、無不備載、應有盡有、質言之、則無論何條、苟因解剖、生理、衛生、病理、可以發生問題者、皆必另插圖畫以顯明之、而使人人可讀、能得完全之知識云。

編纂者、為美國醫學博士、施列民君、係中國紅十字會總醫院副院長、施君來華有年、深悉華人性質、故特對於華人之病理及衛生之缺點上、尤三致意、特纂是編以補助之、則是編於我華人、其裨益良非淺鮮、不獨可備醫學界之參考、且亦為各學校之完全課本、更為個人、家庭、市場、商店、會所、工廠中、均不可不讀之書、誠以此書實衛生寶筏也。

近世之競爭

西歷一千九百十九年

五月初版
八月二版

大中華民國八年

上海時報館排印

月二十三日
章漢吳約紐國美
總發行所

競 之 世 近

小引

凡聞此次歐洲之戰爭者，無不恐懼，足見戰爭之劇烈，筆難盡述，當戰爭時，發出如許難解之問題，頗關於吾人之存亡，故著是書之原因，不外討論此難題而已。夫欲解決此難題之意義，須將古先知之預言，與近世代之形勢相較，或可瞭然於胸中。可知欲明其因，當識其果，若識其果，則當知所逃避，既知如何逃避，則我等之希望無窮。以凡勞苦負重者與憂及患難將臨世者，倘靜讀是書，則可蠲除一切憂慮，而漸入平康之途，此即著者之本意也。

小
引

目錄

- 第一章 近今戰爭之新法
- 第二章 富者愈富
- 第三章 時代進化之變遷
- 第四章 和平君王臨世之應許
- 第五章 同盟降服與協約條約
- 第六章 萬國實行和平會

近世之競爭

第一章 近今戰爭之新法

古時各國交通不便，彼此山水之阻隔，殊跋涉爲勞，故無論何國偶有戰事，其影響不能及至遠之地，僅在其國界以內，故當一國有戰爭時，其他各國，如不經目覩耳聞，皆不得知。緣昔時無電報鐵路及輪船等以通消息，苟有緊要公文或信件，在陸地則用善走之良馬以傳遞，在水面則用極速之帆船以輸送，若以今較之，真大相懸絕矣。查一千九百十四年六月間，歐洲列強之情形依然如故，商務異常興旺，人民安居樂業，不意一旦突起最大之戰爭，其勢與縱電燒燬全歐無異。而全球各國，無論處於何等最遠之地，皆可立聞此戰爭消息，因現時電線業已環繞全球，密如蛛網，吾等雖與歐洲相隔萬里，每日閱新聞亦可知其詳也。

陸軍戰爭之兇暴

古時赴戰場之軍士，彼此必相距不遠，須待耳目所能及，始以刀劍互相擊殺，即近百年前，各國所製之軍用品，亦無大進步，僅有古式之鎗，且每裝一彈，必須五分鐘之久，





近 今 戰 爭 之 新 法

古 時 交 戰 之 軍 隊 在 戰 場 上 甚 為 接 近

先自鎗口裝火藥、後裝彈、繼復以鐵桿舂實之、如此始可向敵人開放、但現時之鎗礮則大異矣、在一分鐘之間能發數百響、其子彈極輕、攜帶尤便、他若機關車輪礮、置於汽車上、用時靈捷異常、於戰時所施放之子彈、每分鐘自六百至一千次之多、其射出之形、頗與救火會之水龍皮帶管射水一致、故此種彈之殺人、直不啻以鎌割麥、曾聞戰場上人云、每次開機關礮後、不逾數分鐘、即見兩方面所傷死兵士之屍身、層疊成山、後至之軍、即踏屍身而過、並向前開礮進行、匪特是也、又有多數巨礮、俱為昔時所未有、此種巨礮、長約四五丈、口徑十六英寸、每發一彈、須用火藥三千磅、其彈重二千四百磅、能於三十里內十發九中、間亦有能擊至五十里外而破壞敵礮臺或轟燬巨屋、所用之是種彈、誠最新式、彈內置有鐘表機、未射之前、可預定若干時能飛

如許遠、其彈一至目的地時、即破裂內中所有數百小鐵彈一齊飛出、能殃及附近戰地之人民。查此類鐘表機甚靈巧、能量度彈丸飛行之時、及限定炸裂之時、決無毫厘之差。至該巨礮之轉動時、須借用貨車四部而置礮於其上、從鐵路上行。即司該礮之機者、亦約四百餘人。故當放此巨礮時、若有人立於附近之地、則必被轟死、以故放此礮時、必自遠處用電線壓鈕而放云。

戰壕隊之戰爭

當歐戰未停時、在西歐界與德法界之間、已發明一種戰壕之戰爭、該戰場上曾掘有數百里之戰壕、特為兵士之居所、此戰

近今戰爭之新法




西歐英軍戰陣所用如是之巨礮、每百發、每日開放、擊敵軍、至少數百次。

壕回旋盤曲、有數千畝田之長、其形似頗如地內之街衢、凡兵士赴戰場或運糧食子彈火藥等、均須經過其上。在兩軍戰壕之間、有地一塊、其闊自數丈至數里不等、此地名無人地、良由兩軍之鎗礮彈常落於其上、故人或動物皆不能行經該地也。當軍士開赴前敵時、須先放無數礮彈、俾火煙四佈、形似一幔、隔絕敵軍、於是兵士由該戰壕徐徐蛇行而出、進薄敵軍、蓋此種戰法、兩軍必相距不遠、故軍士常用一種火管之小炸彈、形如小球、內有鐘表機、以手投時、可限定於何時破裂。此種炸彈雖小、然頗劇烈、故相搏時、不僅用鎗劍刺殺敵軍也。除此而外、又有一種新發明之毒氣、能殺害多數兵士、該毒氣係由德軍先發明、若施之於空曠處、則人類及一切動物一吸此氣、五官立失作用、未幾即死、設不死則非盲目、或亦大傷肺臟、其病無藥能愈、終其身俱蒙其害。是故凡赴戰場之兵士、均須帶有面具、當遇毒氣時、即戴於面上以阻其害。匪特是也、又有一種新發明之殺人烈物、名曰流質火、其施放形似水龍之射水然、準是以談、則此次之戰、豈不大異於昔耶。

海軍器械之進步

夫就兵艦而論、當以近十年來所製者為最奇巧。五十年前、美國新製出鐵板火輪船



近今戰爭之新法

此係用一極大之拖重機與二汽車載大砲經過比國之工程隊重修美好道向陣前進。

兩艘能容火礮不多，造法既粗，駛行又緩，越數年後，又製成更大兵艦，能載重一萬噸（每噸係一千六百八十斤）所置巨礮口徑，自六英寸至八英寸不等。當該兵艦造成時，人皆恐此艦太重，不利於用，詎不多時，再增重至一萬六千噸，而其駛行於水上靈敏異常，與曩時所製之艦大不相同。然世態愈變而愈奇，智識愈進而愈巧，人心不古，機械百出，西歷一千九百零五年，英國再製成頭等鋼艦一艘，重量二萬二千噸，其駛行之速，裝載之多，以及所置巨礮，較前更為猛烈，視前所製兵艦，約大一倍，優勝世界一切舊式戰艦。故歐美強國莫不讚賞，各國因爭強之故，亦不得不急於仿造以壯其國威。近數載間，各國所製兵艦愈出愈巨，甚至每艘長一里三分之一，內外皆以純鋼板製成。聞是次歐戰未停前，所用最大鋼艦，竟



近 今 戰 爭 之 新 法

圖中爲試放子彈穿過深厚物之大概，其砲之口徑有十六英寸四分之一，重一百十噸，該子彈一經射出，能

穿透厚二十英寸重層之板，厚八英寸之熟鐵，厚二十英尺之油木，厚五英尺之英花剛石，厚十一英尺之水門汀，以及厚六英尺之磚牆等。

能載重三萬餘噸，所裝巨砲，每尊長自四十至五十英尺，口徑自十二至十六英寸不等。且每艘能容砲十六尊之多，該砲所發之巨彈，重約二千餘磅，其彈力能擊毀六十里以外之敵艦，並再能飛二十餘里遠，仍有力擊通十二英寸厚最硬之純鋼板，要知昔時每發一砲彈，需費十分鐘之久，而現時每分鐘內能發彈六次，噫，今世之進步何其速耶。

潛艇之戰爭

魚雷艇亦謂潛艇，即近數十年來所發明之一種小砲船也。其式尖而長，其力銳且猛，又能於水下駛行多時。當交戰之際，將此艇潛行水下，施放魚雷彈以轟擊敵艦底之鐵甲，凡被擊中者無不立沉。德國於交戰時，即多造潛艇，因其海軍屢爲英國精美之海軍所挫折，故以水雷與潛艇作水底之戰爭，欲藉此減縮英海軍之勢力，可與之並駕齊驅也。歐戰初開時，英巡洋艦屢被德艇所炸沉，其損失生命頗多，至一千九百十五年之


初、德之潛艇有攻擊協約商船之舉、英國遂宣佈封港之策、一切貨物視為違禁物品、德國為報復計、乃宣佈英境四圍海道、盡屬戰線之地、凡經此海道之船隻、無論中立與否、咸須以潛艇轟擊之。是年五月七號、潛艇戰爭之烈、達於極點、有英最大之載客船名羅司塔尼亞、被德潛艇炸沉、溺死者有一千二百五十人之多、中有美籍者一百十四人、美政府因此一舉、及他次所擊沉船隻、遂數次向德嚴重交涉、以儆戒之、惜終無滿意之答覆、德不但不停其施行潛艇之策、反更利用其殘忍之主意、凡赴英法之船隻、悉擊沉之以絕英法之糧食、欲使其人民均餓斃於國內、德既行此種殘忍之策、據美之國務部推算、自歐戰開始時、直至一千九百十

近今戰爭之新法

七




此大 戰裝 於火 車便 易移 動全 身塗 色敵 人於 遠處 不易 辨明。



八

右圖乃係英之大艦隊其上更有汽球一具飛機一架

近 世 之 競 爭



以上所圖，乃美國之兵艦，開赴其作戰之目的地，自此次歐戰發生後，交戰各國皆存爭勝之心，大都悉心加造無數戰艦，以應作戰之所需，如美國在歐戰起後，鑒於列強之大興海軍，遂於一千九百十五年，由國會通過，支撥一萬五千萬，作為興造軍艦經費。



九

此乃係海中之水雷，若有一隻，入其中，無如論何，不能倖免。

七年四月三號、中立國之船被擊沉者、共有六百八十六艘之多。及至一千九百十七年終、細核各國船隻之被擊沉者、約有六千艘左右。倘平均其噸數、則每月約有六十七萬噸之鉅。設德長久施行此策、凡協約及中立之商船俱難倖免。如此、實令各國大生仇視之心、并激中立國急急向德宣戰、以作報復之計。雖然、德施行潛艇政策、縱足使協約國大受損失、而協約人民則已製成一種抵制之而捕捉之之艦、能常掠奪或擊沉德潛艇。現今美國製造廠業已逐漸改良、造成最新式潛艇、其容量約有一千餘噸之譜、所裝載之大礮及糧食等物、足四十人之需用、且駛行大西洋穩如大商船、由此觀之、可知潛艇爲軍械中之利器、足使極大之戰艦、不敢坦然行於海上、勢將變爲無能、總之此次海軍戰爭之劇烈、爲五千年來所未有也。

飛艇汽球之奇異

夫飛艇汽球出現、僅近十年間、已成最高之軍用品。茲先論及飛艇、遠視之頗似大鳥、近視之則見其體製有大布兩塊伸如翼形、中有大力機關、藉煤氣油以發力、當行動時、則使前面之推進器速轉、於是乎行動不已。再查飛艇之升降迴旋、俱賴舵輪、與自動車之賴輪無異、此式之飛艇輕且速、較火車約速一倍、每分鐘能行三百餘里、亦可

行於雲中、偷離地十餘里高、升降自如、頗似飛鳥、惟惜其中不能多容重物、只可乘三四人、與一二小機關礮、及數百磅炸彈而已。其最大利益、能飛至敵戰場、窺探形勢或攝影片、供將帥觀看、俾知如何行兵遣將。再戰爭時所放巨礮、人之視線不能及彈所落之處、故須用該式飛機裝無線電音機以飛上高處、可在空中瞭望、曾否擊中、然後電知礮隊總之、當歐戰時、不論何方皆適用該式飛機。又有施諸汽球者、其形若輪船、其下垂形則似火車、中可乘四五十人、並能載糧食礮火炸彈等物、且可自窗擲出炸彈以毀敵、其靈巧出衆者曰齊伯林、因此種汽球、係德人齊伯林所發明、故名之。當歐戰未開時、德人已乘齊伯林往各處偵探英法情形、頗獲大益、德人且將齊伯林作旅行之用、每日往返某區某地、均可依期而至、毫無差誤。當齊伯林翔空之際、搭客在其間互相談笑、無論閱報飲食、均可自如、由此可知齊伯林之大及其載重之力。總之齊伯林既靈巧異常、而其加害尤極劇烈、當戰局未終時、德軍屢以該種汽球隊驚擾英國諸島、以收偉大之功、特以其體積過大、人易見之、故日間尚不敢飛行空中、恐敵兵用天空射擊之巨礮以擊之、必俟夜間、始飛過英之通都大邑、常於倫敦等處擲下炸彈、焚毀平民屋宇、受害之人、立無噍類、因此倫敦城市、有時不敢燃燈、常駐兵以守夜、




圖中所顯乃係法人近發明之簡便長射程砲，用以抵制德人所造二百一十里之巨砲，且法人甚望造一砲，有能擊射二百四十里之效力。



此乃塞爾維亞馬隊中之部，歐戰時渡塞納河，於一、夜、間、共、行、九、十里。

若見該種汽球遠來，則吹嘯爲號，城內人民聞之，卽速入地窖以避其鋒，蓋炸彈所落之處，無論男女老幼，均遭非命，其害之劇，非筆墨所能形容。曾有英京某人目覩該式汽球飛至英倫，投擲炸彈，據稱彼某日於旅館內約半夜時，忽聞似乎蜜蜂飛集之聲，旋旋不已。啓窗外視，則見明月在天，天空有一黑物形似雪茄煙，正仰望之際，忽有火球自黑物中投出，勢若隕星，僅逾片時，卽聞大聲隆隆，所有附近房屋，立時震動，窗上玻璃多被震碎，人民不能立足。當是時，更有高大屋宇一所，忽經炸毀，人從屋內湧出，口中呼曰大禍至矣，大禍至矣。

近今戰爭之新法



此乃鐵甲車多輛排成一列處準備出戰之圖

他處復有大聲接續而起，轉瞬之間，即聞無數哀哭聲及房屋倒塌聲。噫，此式汽球，雖用巨礮擊之，恐亦難中，足見空中炸彈之厲。曾聞有一炸彈落於該城某花園內，其中所臥六人皆斃之，並傷及一警察。又有一枚落於某婦孺學校內，有某女教員與數女生均被炸斃，中有一人炸斷兩足，可知該式汽球所至之處，皆有種種慘狀，筆難盡述。

戰爭費之鉅

歐戰歷四載之久，當此四載之時，識者云有五千萬人日從事於鎗林彈雨之中，另有三千萬人因戰爭死亡者，其遺下無數之寡婦孤兒，終日悲歎不已，其情之慘，令人心痛。此外戰爭未開時，歐洲有如許華麗之城池，美好之房屋，名勝之教堂，及崇宏之宮殿，今忽變爲一片荒涼之區。想戰爭時建築物之傾圮，其費已不可勝數。今僅就戰爭費而計，則此次四年中之戰爭費，統計之，其總額應合中國通用銀洋二千萬萬元之多，平均每日約需二萬七千二百萬元。然該巨款若無比較，恐吾人尙不知其究屬若干，今用比較一一推算之，即自耶穌降生元年至一千九百十八年而止，每年約算有五十二萬五千九百六十分鐘，一千九百十八年，則共約有十萬萬分鐘，每分鐘需銀洋二百元，此乃四年中之戰爭費也。此絕大之血戰，關係於吾人可謂至大，美總統威

近今戰爭之新法



此為十五寸口徑之大子彈、長方形之艙口、放入艙下深處之子彈房。



十五

上圖乃美國軍人自軍械部將魚雷裝運於軍艦之上閱圖上魚雷一隻、僅見全部、六分之五、可知近來所造之魚雷甚大也、在此魚雷之中有轉動機、有縮壓空氣房、並有把舵與準配機。

爾遜於國會內演說云、歷史最大之動機已至、世人舉目、無不得見上帝之手、已加諸各國之上、如有違依神之慈旨與公義者、定得神之佑助無疑。彼之命意、乃見世界各國離真道而入邪途、故發是論以期其自返、故吾人當知將來存亡、皆視現時能否歸真道爲定。夫欲籌及將來者、必先知此次競爭之難題、誠欲明之、舍真道外則無法知其底蘊、願閱者諸君觀以下所錄之世界歷史、及預言之應驗、庶可獲益無窮也。




此圖爲
婦女在
兵工廠
工作之
狀、按在
歐戰以
前、婦女
並無作
此工者、
但歐戰
時、各交
戰國多
用婦女
作此製
造軍械
之工矣。

第二章 富者愈富

近世各國之最難處置者，莫若資本公司與工黨之相爭焉。蓋今因金融機關，大半操之於權富之手，故富者愈富，而貧者愈貧。數年前世人目光尙小，以爲一人能得百萬元，則可爲富戶，今人之智識則愈增進，生活程度因之愈高，卽視萬萬元亦不足介懷。美國本爲富國，而於歐戰時，其金融日愈靈活，蓋緣各交戰國貨物不敷，不得不購諸美國，故美國人大爲獲利，所賺之金錢，較英法德俄四國尤多，當一千九百十六年之末，美政府之財庫存儲二十萬萬金元，重量有三千八百噸，若以馬運之，須四千匹，若以車載之，須連軸三十英里，當年出口貨之價值，總核約五十萬萬美金，倘此巨數金錢，能平均分諸國人，各得一份，其數亦不爲鉅，詎皆落於富翁之手，而貧者不能得其些須，此豈非所謂富者愈富而貧者愈貧耶。在百年前，美國全國之中，其家資百萬元者，僅得二人，至今則有七千人，各得此巨數，而尤有得十萬萬餘元者，如美孚煤油公司大總理羅弗克勒，尤稱巨富，據統計家核其金錢之數，有十萬萬餘元，設以六百萬工人日夕操作一年之久，其所共得之工資，亦不能及羅氏，羅氏坐擁金額，實占全美

國總金額百分之一、倘欲估定其賞財之數、假設每人於每日在十時間之內、驗算五萬元、用十人試之、須至六年之久、約可完結此工。但此數雖結、而子金又增有數年矣、蓋其子金於每小時能得六千元、倘一夜睡十時、迨喚醒時、即已增利十倍、則有六萬元之數。倘餐時用三十分鐘之久、此時間即能得三千元之利息、因其每分鐘有百元之利也。如此、羅氏或睡或醒、或作或息、無論如何、彼每一呼吸間、即收納十元焉、嘻、此豈天理所宜然哉。

當歐戰時得機獲財、不僅美國豪富而已、尙有他國之資本家或製造家、因生意非常興旺、則在片時亦能成大富。美統計家施他伍君論及某鋼鐵製造所之業主、謂彼僅在一日可得兩千萬之利息、但按其廠內工人所得之工資而計、必須用二百萬人作一



此乃法國地中海之潛艇驅滅艦一艘

日之工、方共得此數。或如上海一埠人民、無論男女老幼、每日各得工資五元、各須做四日之工、其所共得之工資、始及此鋼鐵大王一日內所得之利息。夫人之恆情、每愈富愈貪、故人縱獲多財、而仍不能償其所欲、查今世之豪富、已不啻管轄世界金錢十分之八、然彼等猶欲管轄地球上所有之土地、聞美國有豪富者二人、各有地一千萬畝、更有六人各有地六百萬畝、即其一人之權利、已較一國王爲尤甚、如瑞士等小國之土地、亦遠不相及。英國亦有數豪富所占土地之利益、竟得全國十分之八、由此觀之、富者之權勢、可想而知矣。

奢侈之時代

人之生也、先則衣食居處、次則各種物品、然因有所需要、遂有不足之憾、因不足而生慾望、爲滿其慾望之故、乃慘淡經營、無所不至。蓋奢侈者、乃由慾望而生者也。慾望能分三種、曰必要慾望、曰應分慾望、曰非分慾望、自海禁互通以來、民智日開、其慾望亦各趨其極、互相比勝、縱以極窮之小工、其所入之款、尙不足謀生、而乃有紙煙等等嗜好、家道小康者、用費輒欲與豪富之族相等、如自此以往、毫不節制此惡俗、則全球人民將盡入於奢華之途、吾爲此懼。

貧者愈貧

富者愈富



守此種主義、非但不能獲利、恐將不能自立、要知現時之衣食、居處、器具、皆由工廠所

則為工商時代、所謂農時代與工商時代、其意非有農而無工商、或有工商而無農也。此等時代、仍有遊牧者、與農工商相雜、遂因之區富貴貧賤焉。歐美各國約在百年前、人人自耕自食、自織自衣、屋宇器具、均自為之、每年費用為數甚微、當時人民、只知素樸可風、不知用其計術以博利、僅保守己之所有、是故分利者有限、而生利者亦有限也。若處今時競爭之世、猶保

作、人若無錢、不獨難以自立、且將流為乞丐之徒。是或不幸而染疾、則衣食即患不足、此為事所常有、然亦有終日殷勤工作、所得之工資仍不足以自給者、試問誰肯為之助乎。

貧富不均釀成強權之勢

嘗聞某某等國之大邑、因糧食不足、常起暴動擾亂之舉、於一千九百十七年冬季、紐約有數千婦女結隊入市、大聲呼曰、賜我食、養我孩、客歲俄京因遇數日無糧運入京城、遂有多數人民暴動、政府遣兵驅散之、內有不從而鎗斃者數百。又聞波蘭十二歲以下之孩童、多皆死於饑荒。其餘如比賽各國人民、則藉賑濟始得生活。於一千九百十八年、日本各大邑忽大起暴動、查其原因、則以米商高擡米價、故此次米價騰貴、非由凶年歉收所致、用是人民羣起、盡將各米店所存之米搬出分送與貧

富者愈富



(2)

民、然後將米店及米商之房屋一火焚之、事後聞於日政府、即命軍士驅散暴動人民、並於是日設法出示安民、風潮始止。若此、則現今全球幾無處不有暴動之舉、恐將來禍患之生、較今尤烈、有心世道者、能不惕然生懼歟。此等景象、豈非世界末日之預兆耶、古聖先知早已說明、茲且將一二章節略舉如下、以證明預言之不謬也。

先知預言之證

現今各國天災人禍、無時或已、風俗之壞、人心之險、先知於聖經內早已證明、如路加二十一章二十五節云、地上諸國、困苦顛沛、海波澎湃、人思將臨於世之事、而恐懼喪膽、此經意恰與近今美國著名星期報所言相符、其言曰、自開闢以來、世界最危急之時、正在目前、視各國日日發生之事、足使勇者喪膽、將臨於世之事、恐為最大禍變等語、觀此誠與聖經之言無異。又有提摩太後書三章一至四節云、爾當知末世必有危時、人惟自顧、好利、矜誇、驕傲、訕謗、逆親、辜負、不虔敬、無情、背約、好讒、縱慾、殘酷、惡善、奸詐、賣友、任意妄為、倨傲自大、專愛宴樂、不愛上帝、是言取與今世相衡、絕無稍歧、豈今世即末世歟、吾儕何不早立主意、而獨如此以自害耶。况聖經預言、不但講明末世之形勢、亦講明現今之事跡、如以賽亞二章二至七節云、至於末日、主殿之

富
者
愈
富




二十三

米 素 不 達 米 之 風 景

山、必超乎諸山之上、高出諸嶺、萬民必趨赴之、將有多國之民往之、彼此語曰、我儕不如登主之山、赴雅各上帝之殿、望彼以其道教導我、使我履其途、蓋律法必自郇而出、主之言必從耶路撒冷而發、主必審鞠列國、平治諸邦、使以刀作犁、以戈作鑿、國與國不以刃相攻、不復學習戰事、雅各家乎、我儕同往、行於主光明之中、主棄主之民雅各家、因東方人之惡俗、充滿其中、尙術數如非利士人、與異邦之人結盟、其地金銀豐裕、貨財無盡、其地馬匹衆多、車乘無數、斯言也、豈非指今世富者愈富耶、然如近代富者雖坐擁千千萬萬元、而世界末日一至、彼等不能攜去分文、且亦不能倚其財而得救、正如以西結七章三節十五節及十九節云、今末期臨於爾、我必震怒、降災於爾身、視爾行爲審鞠爾、循爾諸可憎之事施報爾、外有鋒刃、內有癘疫饑饉、在田者死於鋒刃、在邑者亡於饑饉癘疫、彼將擲銀於衢、視金如污物、主怒之日、其金銀不能救之、不能用以充饑果腹、因金銀使其陷於罪、又有數節聖經、說明富者如何得其不義之財、卽因其不給合宜之工資與其工人、惟日圖剝削、以飽蝕工人之血汗、請觀雅各書五章一至九節云、噫、富者乎、當哀哭號泣、因苦難將臨爾也、爾之財壞矣、爾之衣蠹矣、爾之金銀銹矣、此銹卽攻爾之證、且將蝕爾之肉如火之焚、爾在此末日、但知積

財、穫爾田之傭、爾不給其值、其值髣髴有聲呼籲、刈穫者之怨聲、聞於撒罷俄特主耳



圖中乃爲加拿大軍人數名、在法國北部考察一被擊毀而墜飛機、此機與平常者不同、所有之翼乃係用錫製成、據云鎗彈不易擊損。

難、自生民以來、至於其時、無有若是者。

矣、爾曹處世、奢侈宴樂、以快心志、乃如牲待屠宰之日也、爾曾誣義者而殺之、彼不拒爾、兄弟乎、爾當恆忍、以待主降臨、試觀農夫望得地之嘉產、忍耐以待、待得前後之雨、爾亦當恆忍、堅固爾心、蓋主之降臨伊邇、兄弟乎、勿相怨、恐被定罪、審判者已立於門前、此數節之經義、與今世之情形無異、謂在末日富者但知積財、奢侈宴樂以快心志、今世何世、非奢侈之世乎、彼富者雖如何奢侈、然不能盡用其財、故將其財窖藏、日久生鏽、總而言之、觀此數節預言、已一一應驗於目前、則知先知預言世界末日之臨世將不遠矣。末日一至、聖經曰、是時必有大

富 者 愈 富

富 者 愈 富
悲觀、又非抱厭世主義、不過欲勸勉閱書諸君、在此大難中有一生路焉、若從而行之、
可以出死入生、故欲知入該路之法、則聖經早已說明、只須讀者靜心參考此書、力行
聖經之訓、則末世之福、上帝將賜爾矣。



美 國 之 自 由 記 念 石 像

第三章 時代進化之變遷

現今世界事物物、較百年前大相懸殊、緣近數十年間、環球各國、皆有莫大之進步、不第居民喜於行遠以探險覓地、且南北各極、雖微小之邦、亦力求進步以便交通、絕非如往日阻塞、一國之民、至老死不相往來、以致他國情形無所聞問。至現今世界各國、恰如身之使臂、臂之使指、亦如唇齒相依、共同爲力、新理想愈多、則新事業愈盛、故無一日不在競爭之中、競爭愈烈、則智力愈深、智力既愈深、其發明者必愈精、如今之電報、電話、火車、汽車、輪船、飛機等等、日有進步、便利迅捷、雖至遠之處、轉瞬可達、此豈非交通之便乎。


是以吾人不論旅居何國、倘日閱報章、卽能詳悉各國情形并其事業之興衰、若由今視昔、不啻另居一地球、其進化之速、洵一日千里、莫可抵禦、良以人智愈深、其心愈巧、時時想新法以發明新機、致昔所不能發明者、今竟能發明之、真有莫之爲而爲之理。溯百年前各國居民、一切工作飲食衣服、較古以來僅能略略改進、孰料此百年間、人乃具驚天動地之才、令全世界事物迥異於昔、細觀西歷一千八百年以前數千年

時代進化之變遷

間之世界、各項事物、悉似往古、無有變更、凡遊歷者所乘以代步之器、及農夫與工師所用以作工之法、與前相較、洵為一致、並無新發明者。顧近百年間、世事竟大變遷、代步之新法、與工作之新法、皆一切發明、故今時代堪稱新時代。倘問現時種種新機、為何不發明於古時代、而皆至今忽有。答曰、是真有故、并絕非偶然而來、亦非自然而成、其中必有緊要之意義、與吾人有極大之關係、顧欲說明此意義、則必先述其原因。

近代之奇異發明

往古時代、陸行乘馬、水行乘舟、其所謂舟者不過帆船、彼時、人民尚稱極便、豈



二十八


上圖為射擊空中飛艇之奇特新廠、此廠製造其屬精美、可移向各方施放、圖下之二小長形物、乃為此廠所用之子彈、長者為未用之子彈、短者為放過子彈之空殼。

知今日之機械、其便利乃百倍之、倘欲環遊地球一週、僅閱時月餘、即能往返、其能如是之速者、皆因機械之爲力、茲將已發明之機械、列舉於左、俾讀者略知其由來。


一發明應用蒸汽 百餘年前有一小兒、姓華得、名雅各者、某日觀壺中沸水、由熱生蒸汽、汽上激、則能使壺蓋頻動、因此而有所思、以爲此種蒸汽、係有力之物、推思此小壺、蓋既能被蒸汽移動、則用大蒸汽、必可移動大物、故伊終日研究此理、靜坐深思、並不出外工作、其母以其好嬉、不甚喜之、而彼則堅持不怠、竟發明蒸汽之作用、現稱蒸汽之鼻祖者、卽此人也。

一輪船之發明及進步之秩序 繼華得雅各後、有傅祺、約翰者、深知蒸汽功用、於是製舟造機、使蒸汽力轉動之、始以一平常小舟、兩面置橈板十二、中製一機、用

時代進化之變遷



傅 祺 約 翰 在 百 年 前 創 製 之 小 輪 船




蒸汽力推動、昇降行駛之率、不減於款乃之速、雖不甚捷、然已較帆船靈便、此即發明輪船之起點。閱時未幾、更有改造較大者、即西歷一千八百零七年傅爾敦君之所造也、查傅爾敦所造之船名克灤夢、該船兩面有輪、其形如現今之小渡船、能容數十人、初開行於附近紐約之赫德森河、於一小時間、能行五英里之遙、彼時觀斯船者、無不以爲奇妙之至、各處來觀之人、絡繹不絕、然若以里彼時稱爲奇觀之船、而與今之大汽船相較、直不啻鼠象之視、相去懸絕。特天下事均係由小而至大、由簡而入繁、次序固然如是。茲以門得大洋所行之郵船而論、其大者長九十丈、闊九丈餘、樓高有至七號八層者、上下須乘昇降機、船內裝飾之完美、與陸地大旅館無異、能容二千餘人、且有臥房、會議室、閱書室、音樂室、理髮室、浴室等。至食物之精、無所不備、雖居陸地者、或且不能如乘該船之適也。其駛行二千英里之大西洋、只須六日、問此船何其如此之速、答曰、倘無此種汽船、則民何能逾此巨海、交通又何能如是之便耶、是故汽船之功、可謂偉矣。

今中國已設有中國郵船有限公司、可互運貨物、其獲利頗豐、聞該公司日有擴張之

議、現除其已購二汽船外、又欲定造一頭等汽船如此、計共三艘、想將來中國航業之發達、當未可量也。


一火車之原來 約百年前有一英國人名史迭文生、伊深知汽機、既能駛船行水、烏不能駛車行陸、是以今之首稱發明火車者、即此人也。查史氏家本寒素、其父操煤礦事業、日給難週、故史氏幼時不能求學、恆助其父工作以補家用。但史氏銳志勤讀、尤喜研究機械之學理、至十七歲時、遂成機器師、益復殫精研究、無微不至、於是築

時代進化之變遷




上圖為一極大之運貨船、尙在船塢中、將告成、此船蓋為美政府、在歐戰進行時所訂造。

近 世 之 競 爭



時 代 進 化 之 變 遷

圖 中 爲 一 最 精 美 之 潛 艇、長 三 百 尺、在 大 霧 中 致 誤 寶 陸 上 地。




三 十 二

上 圖 爲 歸 法 政 府 需 用 載 重 三 千 噸 之 四 十 隻 桅 船、是 圖 乃 此 類 船 中 之 一 隻、足 見 帆 船 現 今 仍 可 大 得 利 用。

成一鐵道、至西歷一千八百二十五年、始首次試行車於鐵道上、再至一千八百三十一年、又在美築六英里之鐵道以行車其上、惟頗不速、而車之構造又極粗拙、形似數馬車相聯、僅前有機引之耳。且搭客上下不便、機中燃煤之筒亦不完全、故煤煙中之火星、偶被風吹下、常焚破乘客之衣、或落於客面、時虞燒痛、此蓋火車之起點。然有此起點、終有今日之良美火車、其巧拙之別、進步之速、實出吾人意料之外也。

美國有紐約中央鐵路者、其路線自紐約城至施喀勾城爲止、該車平日每小時能行六十英里、計算每分鐘合中國里約三里、車內之裝飾、華麗異常、一切傢具、無不精美、所置座椅則軟且適、臥車則闊而清潔、入夜則電光輝煌、其食堂車中所用之桌布盤碟食品、與旅館所備無異、他如會客室、閱報室、辦事室、沐浴室、及理髮所等處器具、直埒富家大族。噫、人生今世、享此便利之福、洵足幸矣。古時人民旅行每遇艱險、今則不然、倘人欲環遊地球一週、可乘



先 數 十 年 造 成 之 火 車



時代進化之變遷

上等火車或輪船、一切應用器具、全備無缺、實與家居無異、如此火車、非特便民、而其運貨生利、尤極有益於國。自鐵路之權輿、以至於今、未及百年、而五洲鐵路已密如蛛網、總核世界鐵路、已築有一百五十餘萬里之長、現全球四通八達、旋繞自如、便利之極。中國自築有京漢與津浦路線以來、各省人士獲益不淺。況中國地大物博、礦產豐富、如能擴充鐵路、則收利之速、尤當勝於泰西各國。

陸 行 舊 法



三十四


一汽車之發現 二十餘年前、世之發明家曾製造自動
車數種、其行或賴汽力、或藉電力、或用煤汽油以轉其機、
此車初出時謂無馬之車、蓋其形如馬車、特無馬以駕之
耳、彼時車中器械甚重、不易操駛、必須僱明機器學者之




車夫、方能行於街道之上。今則
無 大加改良、開行甚便。回旋往復、
馬 均可自由、車之開閉、亦極靈便、
之 易學、故不第男人均可自開汽
車、即婦女等亦可開之、而並不
覺其險。現中國各大城邑亦漸
廣行汽車、然不及歐美各國之多。夫歐美通都大邑之間、
其汽車往來如飛、悠遠長途、瞬息可達、只聞汽笛一聲、則
轉瞬已不見。

蓋汽車之益、非特便於旅客、且可轉運貨物較馬力尤強、

時代進化之變遷



新 式 汽 車




飛機之在上海飛行圖

昔時須數百匹馬所運之貨物、今只以汽車即可輸送、往者美國農夫耕種率以牛馬、今則改用汽車、既易且速、而尤優於牛馬、恐此後之牛馬將變為廢畜矣。可知世界改良之速、殊極奇異、誠如古先知所云、車乘狂馳、邑衢疾走於街、狀若火炬、迅若閃電、（那鴻二章四節）

一飛艇之發明、空中旅行法、最奇觀者莫妙於飛艇、飛艇之創造、蓋在近十年間、其初造時恆有危險、敢試乘飛艇者甚少、近則大加改良、頗無顛危之險、且所有之機


時代進化之變遷



圖中顯於天空者、勿誤以為平常羣鳥、乃係大隊飛艇、飛過美國加利福尼亞省三的哥地方之形狀、或者不數年後、在中國空中亦能見有如此之景象焉。

中國女飛行家

張俠魂女士



上圖爲女士
運轉時所拍

圖為狀如蜻蜓之單翼飛艇，法國飛行家在戰爭中用此種飛艇擊毀多



數德國飛機，在此飛艇之頭用顏色畫成笑容，有口開張，齒牙崢然可見。

尤易操持、式則靈巧異常、艇上有自平器、使艇機不能偏側、絕無墜地之虞。前次美國舊金山之巴拿馬賽會時、余曾赴會、得觀飛行家施美德君乘飛艇於空中、其艇輕巧靈便、可任意高飛、轉折自如。最奇觀者、能按圓形旋轉、翻倒而行、觀者無不羨其技藝之精。至夜間、彼又飛至天空、放各種煙火、美麗異常、并以五色之火綴成舊金山大新聞報之名、藉爲廣告之用、可謂奇觀之至也。

更有一種飛艇、形若小舟、如在海面、可作船駛行、尤極便利。總之飛艇之用頗廣、旅行者亦可乘以遊行、且可按時而到。或以之投送公文信件、或以之捕獵禽獸、或以之攝地圖影、種種之用途、靡不如志。今且有婦女亦能操機飛行於空中者、足見飛艇穩妥、初無危險之虞。美國有名勞羅得女士者、彼能操飛機自美國施喀勾飛至紐約、行程約九百八十英里。當勞女士任意高飛時、其手法靈敏、足令觀者讚賞不置。近來中國亦有女飛行家名張俠魂女士、其操機高飛時、亦不亞於美國女飛行家。可見東西兩大民國之二偉女士、足爲女界之光輝、亦即世界之榮耀也。

然自歐戰時飛艇機之改良、日新月異、致今日有公用之飛艇、如美政府有郵政飛機航路、即自紐約至華盛頓、該飛艇能每日限定時刻、傳遞快信一袋、其郵費每封僅二

角五分。並聞此項飛機郵路，將欲擴張自紐約至舊金山，如是則此航路可過美國而由大西洋至太平洋，其路程則有三千英里之遙。再有一運客飛機，每日上午自華盛頓開至紐約，艇一到埠時，客即往公事室內辦事，午飯後則復乘飛機返家。今年七月十號，乃英皇結婚後二十五年之典禮期，故陳設婚筵，延請名人赴席，被請者內有比



愛迪生

國皇及皇后，但彼等是時寄居法國，於是乘飛機以兩句鐘過英海峽抵而倫敦，直赴英皇之婚筵，一時各報傳為奇事，謂此乃首次國皇乘飛機遊歷別國也。是事雖奇，然尤有奇者，聞在紐約有一部飛機自由車，其形如平日上等汽車，不過上面有飛機之平坦翼而已。凡搭該式車者，皆可隨意行於道路之上，與自動車無異，若使機器行速，其車即離地而飛行於空中，故此車或高飛，或降下路行，均可隨御者之駕駛，噫，人乘此車，幾兼擅飛禽走獸之長，真亘古以來所未有之奇聞也。

一電學之發明 美國有革林法君，研究電學及應用電氣頗久，一日法氏於下雨時放紙鳶於空中，其紙鳶之尾則繫一銅片，遂常見銅片發出火光，因知此乃觸空中之

電而燃、斯即發明電氣功用起點之一。旋又有美國大發明家安迭孫君、殫精研究、發明一種電機、名代那模、此器即發電之原動力、其轉動時能使發電速而收效捷。

自電學發明後、用途頗廣、如以電燃燈、以電煮飯、以電轉運機器、以及輪船火車、均可用電代煤、且有事半功倍之

效。此外又有歐美人首發明

電報之法、不數年各處郡邑、

均有電線、復有海底電線、故

天下種種新聞、即時可傳達

各要地。後又發明電話機、謂

之得律風、可以傳語若干里、

人雖相距極遠、仍可互相談

論、恰如面叙、若此之便利、可謂大矣。更奇者、即無線電報、如船行至海洋中、離岸有數

千里之遙、亦可與陸地通言、其消息靈通、絕無阻滯、現中國亦有無線電報、自上海至

日本東京、復經太平洋海島而達美境、故中美信息、彼此均可立達、誠屬便利之極。



圖中一人、乃往日在戰壕中、用發聲機以探聽敵軍行動者、按此種發聲機形式雖小、然可聽敵人在距離二百尺遠掘地之聲。



圖左為發明此新機關之巴德氏

當美國舊金山巴拿馬賽會時，設有一電話公司，中置一種電機，能聽三千英里之遙，若居於太平洋岸者，可聽大西洋波濤澎湃之聲，其附近左右如在一二千英里內者，亦可直聽直語，噫，器械之精，物質之美，至今時而一日千里，直可謂變化無窮，沛然莫禦矣。

實業之發達

數千年前，有一名哲學家，曾著理想之國家一書，其言社會之組織，一為哲學家，二為武士道，三為實業家，蓋哲學出智慧，軍人出威武，實業出財利，夫然後可成理想之

國家、其所以置實業於最下級者、因人智不精故也、智既不精、則各項事業不能進步、是故人宜急急研究哲學、養成靈敏之智、有靈敏之智、即可改良種種事業、實業亦可因之而發達矣。故智力稍弱者、難以自立於社會、並難免天然之淘汰、此自然之勢也。夫古時鄰國至老死不相往來、各存保守主義、無競爭之心、彼時不求習識、尙可自立。但人民鄙陋、工作蠢笨、若以今時相較、必不能立國於世上。由此可知智識爲當今之第一急務、人民切不可緩求。或者謂今世交通雖便、而社會日繁、生計因之愈艱、人民習性、不免日趨陰險、反不若古時衆人熙熙不相往來之爲樂也。噫、是何言歟、夫交通便利、本可互換智識、若智識日精、自可競勝、而工商實業亦必互相發達、又何患生計之艱乎、茲舉一事以證之、即可知智識普及、而實業即可因之、以致獲利無窮也。

近世智識之普及

古時印刷不精、專賴人工彫刻、雖可翻印各書、惟粗而不精、極速每日不過能印數百張、智識不精之時代、本如是也、今則以機械印刷、每句鐘可印出數萬張之多、且能加印彩色、使非由智慧互相比勝、日事研究、豈可有此便利之益耶。

昔美國有大發明家名法革林者、距今百年前、彼已製成一最善之印書器、此器初發

明時、人人俱以為可獲利無窮、然至今則已成爲古物、因有人復就此機之理、另造一最巨者、其收效又較前勝千百倍、即現今各印刷所所用之印器是也、其構造之法、可略述於左、俾閱者得知其智識之精。

此機之大小、視常用之印刷機械大八倍、高約二丈、須用梯上下、印時可用紙八捲、同時裝入、其速與火車無異。機械之中、有墨棍以壓紙面、又有奇巧之輪能自然割紙、又可摺而疊之、紙出機械時、能一表明張數、絕無差錯。如現欲印八頁新聞報、可於一分鐘出三千

三百張、至一時之久、共有二十萬張、倘一日作工八時、則印出一百六十萬張、噫、此印機不誠奇妙乎。設法革林君復生今世、與其前所製之機相比較、其巧拙大異、能不令其羨進化之速。且夫印機亦即傳導智識之助也、蓋因其靈敏、則翻印各種書籍及新




圖爲近時火不能燬之巨屋此屋在美金山之舊金山、共高二十餘層。

時代進化之變遷

聞等必且速、書價亦必因之而廉、書價既廉、則便於普及、是故印機之導人智識、恰似秋風之吹樹葉、雖至遠之處、不患不達。古者交通不便、人智閉塞、往往工業不興、工業既不興、則商務亦不振、以致分利者多而生利者少、又不能振作精神以自立、人人如是、推至全國、猶能操勝於地球者、蓋亦僅矣。要知事物之理無窮、人之精力有限、若以有限之精力、而研究無窮之物理、其不能收完善之效果宜矣。故必聚多人之智識、按已知之理而益窮之、庶於衆物之理、乃無微不至、夫交通便利則啓智識、智識既通、則可窮事物之理、生財之術亦因之而有也。世上無論何種職業、皆爲保持人之生計而設、然實業直接於人之生活、尤爲緊要、故凡輕視實業者、即輕視一己之生活也、怠於實業者、即怠於一己之生命也。由此實業之緊要、不言而喻、現在世界種種新理新器層見迭出、致有實業革命之舉、全球幾爲之波動、劣者必受其淘汰、優者僅可免之、究其原始、不過一學術競爭耳。處此二十世紀之時、人民無實業不可以立國、然學術不充、亦不可以有實業也。

因此美國能按時世之所需而備應之、故於近年來科學日精、機械日進、致農業時代、一躍而爲工商時代。凡資本案投資巨者、而獲利亦巨、再現今商人之貿易過巨者、所

有種種記錄簿存記冊、及商務來往信件等等、煩雜異常、事冗則僱人必多、人多則繕錄者必衆、衆則必亂、



故近有巨商者欲免手書之勞、乃創用留話機、人可向機筒內發言、此後其言即一

一印於蠟片上、再使速記者緩緩繕錄於存冊、則毫無紊亂、且可保存永久、但此機價值昂貴異常、非小資本家所能購辦、閱者觀至此處、或且不

能無疑、以爲今人所能發明者、古人爲何不能、豈古人之腦海固不充耶、殊不知人莫

時代進化之變遷

不有知覺、物莫不有原理、如不窮其物理、而欲發明新物、事乃大難、考古人所不能發明者、特因世代未進化、人民不知研究物理耳。然世代之進化、卻非偶然、亦非自然、乃由天上之主宰所使、因其有重要之警告、將欲藉以遍傳於天下、故予今人有特別之進步、以助其工之速成。

先知預言與今世符合

古有先知者、能預知世界之變遷、及天地循環之理、如舊約聖經內、但以理書第十二章四節所云、末終世代、將有多人往來、且智識加增云云、按此經言、恰與今世相符、所謂多人往來者、即指現時世界交通、互換智識也。至云待末世智識加增、此經言豈非預言今世之智識將普及耶。要知但以理先知能在二千餘年前發預言、與今時之世界歷史相較、則應驗無異、可知先知之言、實為吾人所宜信從者。

故今交通之便、令環球人直如一家、彼此往來而互增智識、誠應驗先知所謂末世時將有多人往來及智識加增之預言、否則烏能如是。查昔時教育未曾發達、所謂儒者、祇知舞文弄墨、不切實用、徒形文弱、所謂工者、祇知因陋就簡、不知物競、徒循舊觀。故曩時學雖多而無濟於用、工雖勤而莫名其妙、但知保守而不能進步。嗣後學校漸興、

教育改良、務使人人先有普通之智識、而後及於高尚之智識、致成今日之世界、現人民能昔所不能者、考其進境、其速幾等決流、所有種種工作、日新月異、誠如聖經所云、現世界已至末終之時、且夫物有本末、事有終始、天地有創造之日、亦有告終之日、此理之常、曠觀今日世界、誠一鬪智愈深之世界、剝削日甚、恐弱肉強食、不免以戰爭結局、如但以理二章四十四節所云、當列王之時、天上之上帝、更立一國、永遠不敗、其國不爲他民所得、必毀而滅



彼諸國、恆存不廢。又七章二十七節云、天下萬國之國柄、大權大威、俱爲至上者之聖民所得、其國乃永遠之國、所有秉權者俱服事之、聽從之。由此可知天上之上帝、乃造萬物之主、欲立一永不廢之國、使人仍得居於其中、因上帝愛世人、遂設此法使世人免受沉淪之苦、俾人人咸得入天國、斯法果係何法、卽吾人所傳之福音是也。是故現今之福音、必徧傳於天下、使人人均有良機、得以信福音而蒙救云。

嘉音必徧傳普天下

時代進化之變遷

當耶穌基督在世時、其門徒曾問其再來之日、與設立天國之日、耶穌語之種種預兆、如曰、天國之福音、必遍傳於天下、爲證於萬民、然後末日乃至、（馬太二十四章十四節）又於啓示錄十四章六節云、有永遠福音、欲傳於居地之人、卽傳於諸國諸族、諸方諸民、由此可知上帝愛世人、實不願一人受沉淪之苦、故予世人以種種良機、俾得信道、免有不教而誅之民、蓋上帝乃一公平之上帝也、雖謂地球廣大、人種複雜、一時信道者無幾、不能猝將福音傳遍地極以成其旨、殊不知、在人所不能者、在上帝則能也、蓋於上帝無不能成之事、（路加十八章二十七節又一章三十七節）故知無所不能之上帝、現欲成其旨在世、主必賜超卓之奇才於現世人、使人人均知此世卽末世、用是今時之人、能發明種種新物以爲上帝之用、回思近百年來所發明之物、無一不於傳道者有裨也。


夫種種發明物、可分爲兩大部、其一爲轉運之車、其二爲廣傳智識之機械。故水陸與空中、則有輪船火車及飛機等。印刷廠內則有種種器具刷印各等書報、並能刷印各國文字。且有電報電話等、使新聞瞬息可達地極、此一切發明物、豈非上帝使其良好之使者、借之以傳福音於天下耶。若不然、則此發明物、在古時爲何不發明、豈古人之

才能與智慧下於今人，不能發明新物耶，亦以末時未至，古人尙未有特別之智識也。所有之新發明物，原非爲人私益而有，實爲人公益而有。是故世界各人，亦均因以得知真神，而從事棄邪歸正，出死入生。

當一千七百九十四年時，英國有某十齡女孩，意欲購聖書一冊，而其家寒，乃儲蓄至六年之久，其所積錢始足購之。至時爲購此書，該女孩步行八十里，始至一牧師宅，不意該牧師宅內之聖書業已售罄，不能立致，須再候多時方可購得。此其事足證百年前欲得一冊聖書之非易，因當時有英文聖經者寥寥若晨星也。至彼時設有人欲過海傳道，亦極非易，因有多數國度尙未開闢，凡傳道者均裹足不前，間或有足跡可達者，則亦受種種迫害。比及耶穌降生一千八百年之後，有如許國仍不過少數人信仰斯道。但近百年來，則前所有傳道之困難，均歸烏有，現無論全球何人，其身處何國，皆可購已國方言之聖書以讀之。且有慈善者出資購聖經分送貧人，計大美國聖經會及聖書公會，業已費百兆元之譜，發行聖經三萬萬餘本，並所印之聖書，共有五百二十五種方言之別，計核近來每年亦可發出一千萬本，由此觀之，倘今日之人欲尋求真理，大不似往昔之難，各人可就地向傳道者以購之，因目下有多數熱心傳道者，

四處勤勞佈道、兼逐戶發售聖書、見有無力購之者、即贈與一本、如此人縱不出門、亦無難手執一冊云。


詩百十八篇二十三節曰、此乃主所成之事、在我目中見爲奇異。故自世界海禁互開以來、世界遂放特奇之異彩、前者彼此不相往來、今忽交通以增進智識、如亞洲與非洲各國人民、自與泰西各國人民往還後、遂銳厲改革、日上蒸蒸、社會漸趨於良、人人得增進見識、以發明各種機器、以故現今各種機器廠林立、使百物之成頗速、且遊行之具完備、人無論身居何國、能隨意遊行地球之上、無一國不與泰西各國通商、且各國人民、尤強半歡迎傳道士、並向彼等極力尋求真理、如西藏自古以來、乃一至不開通之國、不喜與外人爲友、屢有外國旅客



美國聖書公會倫敦總會所

失蹤於此者。斯時乃迥不相同。該地人民、不但欲與他國通商、且聞有二千西藏人簽名於一請願書與中國某教會、求該會速派傳道士往該處開教會、作耶穌之工作、然則彼族藏人、今忽誠於接受基督福音、此中非有神力耶。

試觀世界進步之神速、與夫新發明之奇異、可知天上必有一神爲之主持、此神卽上帝也。上帝既有如此大權、顯示此等緊要警告於世人、則吾人能不注意。例如某國王遣使赴某城曉諭其民、謂該城時有敵人侵擾、現王甚憐爾等、命其民避難王宮而與同居、而其路中一切費用、亦均由王支給、則彼等一聞斯言、宜無不乘機避難、以免坐以待斃。而上帝之警告、亦與此國王曉諭其民者無異、故吾人決不可忽之。以上帝見世人多行不義、罪惡貫盈、久欲滅盡罪惡、奈上帝有好生之德、故使先知預示其旨、免吾人誤入迷途以背主意、如在以賽亞十三章六至十一節有云、爾當哀號、蓋主降罰之日伊邇、大災自全能之主速至、故手俱疲乏、人心皆怯、驚惶恐怖、戰慄劬勞、猶婦臨產、痛苦難堪、彼此驚訝、面如火灼、主降罰之日必至、勢甚可畏、乃上帝震怒之日、必使斯國荒蕪、從其中剪除罪人、天之衆星列宿、不顯其光、日出而暗、月不揚輝、我必因世之惡罰世、懲惡人之罪愆、息滅驕奢者之威勢、制伏強暴者之傲氣、願或問曰、世



時代進化之變遷

中 國 軍 隊 練 戰 之 形 狀

人罪惡、自古卽有、爲何神不早日滅之。然當知上帝雖好善惡惡、而仁愛無比、卻往往使世人有良好的機會、得以脫離罪惡、以故上帝寬容世人、直至今日、如以西結三十三章十一節云、主上帝曰、我指己永生而誓、我不以惡人死亡爲悅、惟以惡人悔改其惡行而得生存爲悅、卽是亦可見上帝之仁愛矣。然至世界告終、必秉公判世、故凡不願離惡者、無不自取滅亡、如彼得後書三章九至十三節云、主所許者尙未應驗、人以爲主遲緩、實則主非遲緩、乃寬容我儕、欲人皆悔改、不欲有一人淪亡、主之日至、如盜乘夜而來、當時天大震響

而逝、體質被烈火銷鎔、地與地上造作之物、皆被焚燬、萬物既將消滅、則爾之舉動、當如何聖潔、當如何虔敬、希望切慕上帝之日至、是日天將被火焚燬、體質被烈燄銷鎔、惟我儕按主所許、希望新天新地、即義之所居也。總之上帝欲救凡願被救者、乃有種種新發明物、以助其救人之妙法、俟其真道一傳至地極、爲證於萬民、然後末日乃至、該奧妙之救法何如、請讀下章即可瞭然於胸中也。



第四章 和平君王臨世之應許

耶穌降生之一夜，有天使自天降下，報嘉音與世人云，在上榮光歸上帝，在地和平人蒙喜悅。（路加二章十四節）可知耶穌降世，特欲使世人和平，故歷代衆先知皆稱彼爲和平之君，如以賽亞九章六七節有云，因有一嬰孩爲我儕而生，有一子賜與我儕，國政爲其所肩荷，其名稱爲奇妙，策士，全能之神，永在之父，平康之君，其權增益，平康無盡，必坐於大衛之位而治其國，秉公行義，使其國保定鞏固，自今直至永世，萬有之主，必由熱中而行此。如此，耶穌降世之大旨，固欲使世界有和平，然溯自主降生以來，迄今垂二千年，未見世界上有何等太平之象，反見各國人民戰爭不已，此乃何故，曰，是蓋大有故也，耶穌所設之和平國，乃係天國，譬如天之生物，必循天然之定例，初非人力所能成，設使農有穀一車，意欲倍蓰其數，俾之滿倉滿廂，試思彼宜以何法以遂其願，想該農夫必不能將此車之穀置諸倉廂以內，而望倍蓰其數，必將穀按時播之於田，使之萌芽結實，俟穫期一至，而後其倉其廂始滿，天國亦猶是也，耶穌在世，特將上帝之眞道宣明後，令其徒繼續播於人心，迨穫期一至，則必收偉大之效果。

是故馬可四章二十六至二十九節云、上帝之國、猶人播種於地、夜而寢、日而覺、種發且長、其人不知其所以然、蓋地自然生物、始而苗、繼而穗、後由穗成穀、其穀既熟、則



撒 佈 種 子 之 圖

用鎌刈之、因穫時已至、又馬太十三章三十七至四十三節云、播美種者人子也、(即指耶穌)田者世也、美種者天國之子、稗者惡魔之子、敵播稗者魔也、收穫時者世之末也、刈者、天使也、集稗而焚於火、世之末亦將如是、人子將遣其使者、由其國中集凡陷人於罪者、及為惡者、投於火爐、在彼必有哀哭切齒、其時義者在其父之國中、將輝光如日、凡有耳能聽者當聽焉、現上帝之眞道、已遍傳地極、可知此時離上帝收穫之期不遠、默料不久必有和平之君重臨世上、設立永遠不廢之天國。然則吾著

和平君王臨世之應許



和平台王臨世之應許

五十八

耶蘇降生時天使向牧羊人顯現云在和平地人蒙喜悅

是書、非有他故、乃欲使閱者諸君、知主將設立天國、吾人可乘其事之尙未臨時、急速準備入天國、蓋基督復臨之日、卽世之大審判日也、計此大日一至、麥與稗立時攸分、倘人於斯時尙未準備、則不免有死亡之苦、因斯時悔改之機已過、縱欲悔改、亦不可得也、從此可知耶穌首次降世、業已種真道種子於世、現今其種已漸結佳果、誠如各國之有多數信道者、現已四處播種於地上、使人人有悔改之良機、斯時穫期已近、耶穌必速來收割、將其聖民居於和平之天國、直至永永遠遠、眞如希伯來九章二十八節所云、如是基督一次獻已、以負衆人之罪、後必以無罪再顯著於望之者、使之得救。

和平君王重臨之預兆


當耶穌基督在世上時、曾向其門徒云、升天後必再來、如於約翰十四章二三節云、我父家多第宅、否則我必告爾、我往爲爾備居處、我既往爲爾備居處、必復來接爾歸我、我所在使爾亦在、故當其升天時、衆門徒舉目望天、偶見有二人衣白衣立於其側云、迦利利人、爾曹何立此仰天而望乎、此耶穌離爾升天、爾見其如是升天、後必如是而來、(使徒行傳一章十與十一節)但其門徒久已深知其再來之日、與世界有極

大之關係、故當主未升天時、其徒就而問之曰、請告我何時有此、且爾之再臨及世之末、有何預兆、耶穌曰、慎勿爲人所惑、民將攻民、國將攻國、饑饉、瘟疫、地震、隨在皆有、（馬太二十四章三四節七節）夫此種種預兆、已發現於現時代、古時代雖有預兆、並不多見、絕非似今日各處預兆發現之多、如近今歐戰及荒年瘟疫等、眞自亘古以來所未有、其勢之劇、雖每遇兵災荒年瘟疫、有一二慈善家撥巨款以賑救、然杯水車薪、終無所濟、不免有顛沛流離之苦、嗚呼、民處此境、能勿傷懷。

地震


古來地震乃間一有之、其險甚微、後則愈演愈劇、及近數年間、地震之禍乃無倫比、人民因地震之損失生命與財產者、往往不可勝計、即如一千九百零六年、美國舊金山忽有最劇烈之地震、人民所蒙痛苦筆難盡述、當時余適旅居於此、目擊一切、茲且將余當日所身歷而目覩之事錄之於左。

舊金山亦名三藩市、乃美利堅國西境之最大商埠也、亦該國之最重要門戶也、所有美亞船隻均往來其間、密如織梭、故商務之盛、甲於全國、美亞人士均薈萃於此、數十年前以金鑛最著、華人赴此工作者至謂之曰金山、不圖該地於一千九百零六年四



美國舊金山埠經過地震火災後之形狀

廣東汕頭地震後之大概形狀




和平君王臨世之應許

月十八日早五點十分時，有大聲突然自地而出，瞬息之間，全地震動，屋宇多行傾圮，壓斃多人，所有獸畜等類，全沒地窖。幸余所居之屋小而料輕，始免傾覆之危，然家中器具，多已顛損，牀椅等物，因家人恐慌奔走，亦致觸壞，尙憶客廳有大風琴一具，因搖動過度，乃仆毀地上，處此之際，屋內固不能居，而屋外又難免危險，真令人進退維谷。又見人民或被磚石壓斃，或被壓而未死，種種慘狀，目不忍觀，四圍哭聲，震耳不絕，地道中之煤汽管，因地震過劇而崩，內中煤汽噴出，煙雲密佈，男婦老幼，尤不適於逃，加以暴風，遽起，遂成火災，於是地震火災相繼續，竟達三日夜始止，以前最華麗之屋宇，一變而爲瓦礫，凡遭此大難者，衣食住三者全無，惟終日扶老携幼，號泣於途。當災難劇烈時，人民無富貴貧賤之分，恰似平等之日，當火勢甚熾之際，余見有某富翁自某旅館倉皇奔出，高呼曰：吾有一最貴重之箱，若有能爲吾負之同避者，願以千金爲壽，時路人各急奔避，擁擠不堪，誠自顧之不暇，富翁所發千金爲贈之言，途人非不聞之，無如不能兼及，動心者未有一人，於是該富翁不得已，乃棄其箱而遁。夫地震之慘，若是其劇，豈非世界末日將臨之預兆耶，而况如上述之地震情形，聖先知早已豫言，謂人民之對其金銀如何，在以西結七章十九節曰：彼將擲銀於衢，視金如污穢物，主

和平君王臨世之應許



法 國 北 部 戰 後 燬 壞 之 景 象



此 係 日 往 加 利 波 之 爾 多 黎 黎 軍 按 爾 多 黎 各 乃 為 西 印 度 羣 島 之 一。

怒之日、其金銀不能救之。誠哉是言、以近世界末日之時、世上必有最劇之災難、吾主已預告於先、不過蚩蚩衆氓、初未自覺、尙日趨危險之境、而不知其危險、道德之淪亡、奸詐之詭奇、無所不至、勢必釀成民攻民而國攻國之禍、然於斯時則有種種天災臨世、是故地震者亦天災之一也。夫上帝既生吾人、愛之護之固已甚至、今何故以天災臨及耶。曰、皆因世界人事日非、人心愈險、乃不得已而以天災臨世以警人、俾知有所戒備、如不然、何爲地震頻年愈烈、試以地質學研究之、斷無此理。且地質學言當地未震以前、必有地震之兆、而近年來之地震、往往起於不知不覺之間、抑天公有意使之耶。吾人若欲知之、何不速讀救世教之聖經、一查聖先知之預言、庶免明知故昧、致遭不測之禍。蓋所謂天災者、實由天上有所惡、而使災臨於吾人也、希望吾人鑒此巨災、棄邪歸正、以免干犯主之義怒、并免將來最劇之刑。蓋聖經已言愈近末日則地震愈多、如啓示錄十六章十七八節曰、第七天使傾其盃於空中、即有大聲自天上殿中之寶座出口曰、衆聲大作、雷轟、電閃、地大震、自有人生在地以來、未有地震如此之大者。

火山

各處所見末日預兆、種種不一、俾人皆可因此而知警戒、如約珥二章三十至三十二節曰、我將顯異蹟於天上地下、必有血、有火、有煙柱、日變晦冥、月爲血色、主之日大而可畏、未至之先、必有此事、凡籲主名者、必得救援、經在此所謂之有火有煙柱、實可預表近世之火山、查意國近非不勒斯城、有一最高火山、名維蘇威山、曩日曾噴出最劇烈之燒石及火灰等、以埋沒兩城、當斯山噴火時、幾如建瓴之水、直往下流、城內所有居民、惟有坐以待斃、一切屋宇焚滅無遺、及火熄時、該二邑遂成荒場、再如大西洋中之島名馬丁尼革、於一千九百零二年、其附近之枇理火山偶然噴發、遂將此島埋沒、當該山未噴


和平君王臨世之應許



舊金山地震後地面爆裂之狀

火之前數日、島上土民咸覺有災難將臨、急擬乘船避難、而土酋則令二科學家登山
驗究、據稱毫無噴發之迹、諭居民等勿自驚擾、各宜安居樂業、切勿輕舉妄動云云、該
居民等均深信科學家之言、故無一慮及災難將臨者、然未幾而斯山突然噴發、燒石
衝天、形如狂瀾下注、全島居民及酋長與二科學家、皆埋沒於此、無一幸免、可謂絕慘、
由此足知天上之事、初非人力所能測、又在太平洋中之檀香山島、有一火山名革勞
夷亞、此山最爲美觀、雖多年未曾噴發、然有時山中流出硫磺及硫火等、山上故有一
潭、潭側有旅館一所、凡遊覽山景者均寄宿之、若由山之峭崖俯視、則見有火炎宛如
大河、且所騰之煙、如蒸氣之出釜、有時火焰直升至山頂、勢極猛烈、設一旦爆裂、遊覽
者卽難免此危、故凡登此山遊覽者、靡不懷懼心、論至此、吾人宜思及聖經所謂、今
之天地、賴上帝之命而存、迨審判惡人淪亡之日、則以火焚之、(彼得後書三章七節)、
主之日至、如盜乘夜而來、當時天大震響而逝、體質被烈火銷鎔、地與地上造作之物、
皆被焚燬、(彼得後書三章十節)、惟我儕按主所許希望新天新地、卽義之所居也、(彼
彼得後書三章十三節)、故觀近今各國人所受之種種天災、乃無一而非世界末日之預
兆、因聖書上早已論及之、如希伯來一章十至十二節曰、主歟、爾太初奠地之基、天

和平君王臨世之應許



六十九

狀之火噴山火威蘇維利大意

(4)

亦爲爾手所造、天地必滅、惟爾恆存、天地必漸舊如衣然、爾將捲之如衣、皆必更易、惟爾不變、爾壽無疆、可知現今地球因舊而壞、與衣服之歷久而敝同、夫近來地上所現地震與火山等、究竟因地殼經久而宜破裂、抑另有寓意、其中必有重要問題、在人宜急察之、善者加勉、惡者改行、庶可免末日不測之災、亦不至如前二科學家探火山而無驗、至吾人所察何在、即在聖經、切不可不信聖經之戒、而自以爲安全、亦不可輕信浮言、以致徒行紛擾、因聖經內早已預表、世界將有天災、惟吾人熟讀而深思之、庶可免末日之危難也。

荒年及水災

夫世界太平之時、五穀豐登、田畝所出、足可瞻養各民、顧近年以來、世界各國糾紛不已、哀鴻嗷嗷、屢有所聞、此非特因戰爭而絕糧、亦因天災而絕糧也。如邇來荒年及水災、無時或已、是誠可異、雖水之爲物、本天賜以養吾人、吾人不可一日無、天久不雨、禾苗固盡乾枯、然若靈雨連綿、則田園變爲澤國、中國人民頻年受此兩害、以致出產不旺、各民因失瞻養、遂至風餐露宿、困苦流離、種種慘狀、令人目不忍觀、想閱者聞之、亦必惻然也。但須知荒年亦是末世中預兆之一、如經載曰、老者當聽斯地之居民、尙



其傾耳、將有一災、爾曹在世之日、爾祖在世之日、未有如是者、(約珥一章二節)、螽

南 洋 羣 島 人 民 遭 大 風 之 災 狀

食餘、蝗食之、蝗食餘、小蝗食之、小蝗食餘、大蝗食之、(同上四節)、田畝荒蕪、地土淒涼、穀已盡、酒已罄、油已缺、麥與麩麥、悉已罄盡、田間禾稼、歸於烏有、農夫絕望、治葡萄園者號哭、(同上十節與十一節)、哀哉、主降災之日、伊邇、禍患由全能之主、倏然而至、於我目前、糶糧已絕、(同上十五節與十六節上段)、所播之種、壞於土塊之下、倉空廩虛、遂至傾圮、因禾穀盡枯、牲畜哀鳴、羣牛散亂、因牧場無草、羣羊皆斃、曠野牧場、如被火焚、田園樹木、若烈燄所燬、我為之呼籲、主、野獸亦仰望主、因溪河悉涸、曠野牧場、若為火焚、(同上十七八節至末節)至於水災、經亦曾論及之曰、主猶含忍不遽怒、具有大能、不以惡人為無罪、主乘烈風狂風而來、以雲為足下之塵、(那鴻一章三節)、因主山嶽震動、岡嶺銷鎔、

和平君王臨世之應許


和平君王臨世之應許

七十二

於主前大地突起、宇宙與居其間者殞亡、主怒震烈、孰能自立、其氣奮發、孰能當之、赫怒孔發、若火炎炎、磐巖因主崩裂、主為至善、在患難之日、若鞏固之城、凡賴主者、蒙主眷顧、主將使洪水氾濫、淹沒其處、凡敵王者、主必逐之於昏暗。(那鴻一章五節至八節)經意如此、睽諸近世情形、實無稍差異也。


瘟疫

近世預兆之中、最可畏者莫如瘟疫、溯自古以來、雖有時疫等症、然所死亡之數、莫若近二百年間之甚、茲以印度一國而論、十年之間、人民死於疫者約二百五十萬之多、且非獨印度一國如此、他國亦然、特不若印度之甚耳。夫近來種種奇異之疫症、實數百年前之所未有、如一千九百十八年秋間、地球上忽發現一種奇異之疫症、民謂之曰西班牙



廣 州 水 災 之 圖

此係哈爾濱醫生與看護人預備掃清肺疫之狀



和平君王臨世之應許

感冒疫症、該症始出自德意志、繼傳至西班牙、後有歐人染此疫者、乘船過美亞非洲、遂致該疫滋蔓全球、但此病乃與普通之病不同、醫士不知如何治法、當人初患是症時、與平常受感冒無異、未幾即轉成肺炎、多數患此症者、不數日即斃。然是症又易於傳染、故通都大邑間、出示封閉學堂、戲館及說書場、以免有傳染之虞、迨疫症滅絕後、再出示弛禁。路上行人防染此疫者、多戴面具、使該疫之細菌無處可入。總之吾人雖不得知幾何性命死於疫、然據醫士云、近數年來、人民死於地震、瘟疫、洪水及饑荒者、幾過於歐戰所死之數。由此可知處此危亂之際、人民死於非命者、不知凡幾、此皆示明萬物之末期已近也。然當此疾病死亡特甚之日、我儕若欲有避難所、誠惟全能全智之主是賴、蓋凡愛主而守其誠者、主曾應許保護、免其受疾病之苦、如在詩九十一篇二至十節曰、主爲我之避所、我之保障、我之上帝、爲我所倚賴者、主必救爾、免投羅雀者之羅網、免染毒害之瘟疫、必遮護爾如鳥覆雛、使爾在主翼之蔭下、得蒙覆庇、主之誠實、乃盾乃甲、使爾不懼黑夜之震驚、白晝之飛箭、亦不懼黑夜之瘟疫、日午害人之毒病、雖在爾左有千人仆斃、在爾右有萬人死亡、災病卻不臨及爾身、爾惟眼見此事、必得觀惡人遭報、因我所倚賴之主、卽至上之主、爾亦仰望護庇爾、故災患

不及爾身、瘟疫不進爾幕。



一千八百三十三年在美國見天星隕圖

日黑如禍月變如

血

世末預兆、非僅現於地上、亦現於天上、如啓示錄六章十二至十七節有曰、我觀之、見地大震、日黑如禍、月變如血、天星隕地、如無花果樹爲大風飄撼、落其未熟之果、天如卷之被捲、逝而不見、諸山島皆遷離本位、世上諸王、大夫、將軍、富人、有權者、爲奴者、自主者、皆匿於洞穴山巖、籲呼山巖曰、墜於我身掩蓋我、可避坐寶座者之面、及羔之怒、蓋其怒之大

和平君王臨世之應許

日至矣、孰能當之。夫經中所謂日黑如褐者、早已應驗、如在一千七百八十年五月十九號早九句鐘、在北美東境、日忽變黑、該日之情形、據史載云、是日早間之日光、與平日無異、迨至上午九句鐘時、全地忽黑如深夜。又有天文家某云、北美洲所見之黑日、係一最奇之天象。更有亞旦士博士云、該日也、子午倒置、世界衆人不知何故、惟各驚恐異常、是時青蛙夜鳥、鳴叫不已、飛禽走獸、各歸巢穴、家禽牲畜、均就棲所、大小戶、俱燃燈燭、多人以此日即審判日、待至夜間、雖屈月圓之時、然月不放光、但露血色、其昏暗之奇象、與日黑之奇象無異、真如諺云、有天無日也。故論至此次日月失光之事、衆天文家、哲學家、及格致家、均不知此係何故、然不約而同、皆曰、此次之黑暗、斷非日蝕。由是以觀、此豈非上帝所特備之預兆、爲欲使世人知末日之已近耶。

天星隕地


一千八百三十三年十一月十三日、在美國夜間忽然見天星隕地、是時居美國之民、均舉目望天、見空中火星四墜、歷三小時之久、其光彩奪目、非言所能形容、查其連隕不絕情狀、儼若星宿早已被移於穹蒼之中央、而又向四隅發射、真似上帝於此時特造此景、誠與古先知在二千年前所見異象無異也、蓋彼曰、見天星隕地如無花果

樹、爲大風飄撼、落其未熟之果、凡目覩此次天星
 隕地者、皆曰其星隕之形勢、實與果樹落果無異、因
 見星現於東者墜於東、現於西者墜於西、且其隕墜
 之勢、并非從容而下、乃由不得已而狂擲亂射、似未
 熟之果、不願離其枝而受逼而離者然。此星隕之第
 一奇事、現今日觀當時狀況、而尤存於世者頗不乏
 人、可知聖經預言既應驗如斯、我儕居末世之時、豈
 不宜猛省耶。現上帝之大日伊邇、吾人之要務、蓋惟
 各備乃心、謹尊主命、待主復臨以享其福、因主使種
 種預兆應驗於目前、直不啻計時鐘之指針顯其時、
 使人得知何時而預備何事云。

無花果樹之喻

耶穌論及預兆、對其門徒曰、爾可以無花果樹爲
 譬、其枝柔葉萌、則知夏時近矣、如是爾見此諸兆、則

和平君王臨世之應許



天地所現
 一切奇異
 之兆、乃爲
 惟一之上
 帝所預備、
 使人見此
 可知上帝
 所定之審
 判日與世
 界之末日、
 必即臨身、
 此種情形、
 正如江海
 中之燈塔、
 使行船得
 擇其航路、
 而辨明危
 險之有否

和平君王臨世之應許

七十八

知彼（即指基督復臨）已近及門矣、我誠告爾、此代未逝、此事皆成、天地可廢、我言不廢。
（馬太二十四章三十二至三十五節）夫人見園中之樹、萌芽生葉、遂知夏時將至、現日變
黑、月不放光、衆星隕落等等預兆、業已應驗、可知基督復臨必當不遠。至主所謂、此
代未逝、此事將成、此乃指預兆發現之時代、非指基督在世之時代、蓋主所示預兆、
如日變黑、月不放光、天星隕落等、全未應驗於二千年之前、但應驗於現今時代、故現
今之人、應目覩諸兆、而親見基督復臨。願主助讀者諸君、味主之言而守其命、迨主復
臨之時、可與義人同進天國以享永福、阿們。



第五章 同盟降服與協約條約

溯自德使於一千九百十八年十一月十日簽停戰約後，世界最劇烈之血戰，始得告終。此次之戰，始自一千九百十四年七月二十八日，共歷四年三月十三日之久，核計各交戰國戰費，總合美金二千萬萬元之鉅，若均分於世界各人，無論男女老幼，每人可得銀一百二十五元正。夫首三年之戰，同盟國常獲勝利，然自美國加入戰團後，遂遣如許美軍渡洋赴法，以助協約軍，戰局隨爲之一變，於是同盟始漸敗北，直至降服而後已，茲將同盟國降服日期次第列左。

保加利亞國於一千九百十八年九月三十日降服

土耳其國於一千九百十八年十月三十一日降服

奧斯馬加國於一千九百十八年十一月三日降服

德意志國於一千九百十八年十一月十日降服

自以上諸國降服後，德奧遂大起革命，勢頗劇烈，兩國之皇見勢不佳，急遜位遠遁，奧帝奔瑞士，德帝走荷蘭，於是德奧之地遂散爲數小邦，各豎一幟，組織共和政體。如塞

同盟降服與協約條約

戈斯提維人民約有六百五十萬之衆，自一千六百二十年以來，歷受奧匈羈絆，今乘此良機，恢復自主，改爲共和政體。其餘之各小邦民族亦接踵而起。然釀此歐戰者，實由德國作之俑，故德國既降服，歐戰即因之告終。茲將德國降服之條件，備錄如左。

一 停戰約簽押後，凡陸地、海洋、及空中戰爭，均須於六小時內完全停止。


一 停戰約簽押後，凡比利時、法蘭西、盧森堡、亞爾薩斯羅來河、及俄羅斯等處所有德軍，均須於十四日內一律調回原地。

一 德國須以大炮五千尊、機關槍二萬五千根、塹壕凶炮三千尊、飛機二千架、如數交與聯軍。

一 德西界、即萊茵河之西畔，所有德軍，均須於停



此大德國降服條件，由法國大將佛克氏主持，上圖即係佛氏在專車中，相會德國之專使，佛氏乃向聯盟代表宣讀和平條約，圖左之四人蓋爲德之專使，其餘四人蓋爲協約國之代表。



同盟降服與協約條約

北 京 總 統 府 之 大 門

戰後三十日內徹退、該地一切行政、均由聯軍主理、德人不能過問、再萊因河之右畔、亦須畫一中立區域。

一德軍在各處徹退時、不可蹂躪各處居民、凡各處所有德軍之糧食軍械及器具等、均須留於原地、不得運回、再德軍所經過之地、不可加害於居民、亦不可毀壞鐵路橋梁及電線等、且須將機關汽車五千輛、貨車五十萬輛、自動車五千輛、如數交與聯軍。

一聯軍佔領萊因河流域時所用之軍費、均由德政府負償。

一德國所俘聯軍、須急速遣回、並須沿途保護、其傷重不能返本國者、德政府須負治療之責。

同盟降服與協約條約

八十二

- 一 無論何處地土、凡於戰前隸屬俄羅斯羅馬尼亞或土耳其者、德均宜退還各原主。
- 一 東非洲所自活動之德軍、須於停戰後一月內完全降服。
- 一 當停戰期內、德不能擅移公共之保證物、再聯軍之損失、德須負賠償之責。如戰時德人所收比利時國家銀行之現款、及比民之股票紙幣銀元等、均須如數歸還、此外所得俄羅二國之金銀、亦須如數歸還之、惟須由聯軍代收、以和平協約簽約時爲限。
- 一 凡德艦之駛行或駐紮、均須確實報明何處。
- 一 凡德潛艇均須完全卸去武裝、以交與聯軍。
- 一 德須交出戰鬥巡洋艦六艘、鐵甲戰鬥艦十艘、輕快巡洋艦八艘、水雷艇二艘、新式驅逐艦五十艘、由聯軍卸去武裝、幽諸中立口岸。其他如駛行內河之戰艦、均須屯於德海軍之基地、亦由聯軍解除武裝、受聯軍之調遣、其艦隊亦然。
- 一 自德軍之卡脫格至波羅的海所有德之炮台或要塞與工程處、均歸聯軍佔領。
- 一 當戰時聯軍所封鎖之區域、仍不弛禁、故德商船凡在海洋駛行者、聯軍得捕獲之。
- 一 凡德之海陸軍與飛行家均須聚於德之根據地、解除武裝、受聯軍之糾查。

歐戰前各國君長皆係至友且有成誼，溯及皇德華七世送葬時，其時各國情誼甚盛，所有執紼之人：(一)德皇(二)英王喬治第



同盟降服與協約條約

五(三)英公爵康老愛朕(四)西班牙王(五)葡萄牙王(六)俄國國王(七)丹麥王(八)保加利亞皇(九)比利時王(十)希臘王等。

同盟降服與協約條約

八十四

一凡德捕獲聯軍之商船、均須完全送還、不得稍有損壞之處。

一倫德於停戰後三十日內、不完全遵行以上之各條件、則由一方面於四十八小時之前通告德國、以廢此約。

一德自接此項休戰條約後、須於七十二小時內拒絕或遵行。

以上聯軍所提出之停戰條件、德已一一遵行、戰爭因之而止、美國總統曾赴國會宣言曰、此次慘戰、如火焰張騰、蔓延全球、使各國之人咸爲火所灼、現幸已告終、回思歐戰最危急之時、吾人奮勇加入戰團、以期速成吾等之旨、現吾等之目的已達、何勝榮幸、前所抱武力帝國主意者、今已歸於烏有、其野心已沉於黑獄之下、縱欲恢復之亦不可得也。蓋現今人民均極愛自由、專制之策、自不能容於世、如德國武人專擅權勢、欺凌平民、以破世界之和平、今被聯軍掃除之、使彼等無一敢逞其勢、故現吾各人宜同心協力共設世界和平、以慰各人之望、因知吾儕所立和平之基、實遠超乎強權之上、必永存於世也。

惟一之恆久和平法

自世界絕大之血戰告終後、人人心中俱存有恆久和平之希望、故各處之政治家、文

學家、與科學家等、均異口同聲云、世界將不復見戰爭矣。蓋現時各地人民、均深知爭戰之苦、無一願爭戰之重演於世。且各國多已改為共和政體、人民智識日增、月異、均



以上乃西歐前敵之大將四人、自左至右以觀、一爲法軍大將皮單氏、二爲英軍元帥海格氏、三爲協約統領福煦氏、四爲美軍統領白爾星氏。

使世界各國化干戈而爲玉帛、諒閱者諸君早已知之、勿庸贅言。如歐戰未起之前、歐洲列強、曾共設一萬國和平弭兵會、會所建於荷蘭海牙城內、該城之內、另有一華美


惡戰爭而愛和平。夫惡戰爭、愛和平、是人之恆情也、因世界經一次之戰爭、必死傷幾許軍士、耗廢幾許金錢、而居民尤難免顛沛流離之苦、故雖孩提之童、亦莫不知戰爭之無益、故多人欲設法弭兵、以免戰爭之苦、於是世界有和平會之設。聞有多數和平會設於歐美之間、但其能否

同盟降服與協約條約

之特別建築、世人謂之曰和平殿、殿係美國鋼鐵大王卡匿奇獨自捐資百萬元以造之者。查斯會之旨、蓋欲世界各國歸於和平、藉免戰爭之禍、逾數年須開會一次、已有四十四國願守約章、並有多國各遣代表赴會、共籌善後之策、倘無論何國偶有國際交涉、須按約章判決、總使兩造言歸於好、法可謂善矣、宜無戰禍發生也、何竟有歐戰突起於世耶。用是知和平會中人員、雖有出類拔萃之才、籌思種種善法以弭戰端、而終不能已、因無能力以除去世人之惡念也。然何以世人雖明知殺戮之事、實有傷造化之功、而奈之何不能免耶、皆因恃恃已力、而又難去心中惡念、以故爾爾。由是觀之、人若無主之和平、不論何種嚴厲之法律、終不能收完全之效果。故凡欲得主之和平者、請讀以賽三十二章十七節曰、義之功效乃綏安、義之結果乃寧靜康泰、至於永遠、可知義乃真和平之基、欲得和平之眞法、必得義存於心中、欲得義必信眞道而守上帝之誠、因聖經有云、嗟呼、爾未聽我命、若聽之、則爾之平康如河之流、爾之福澤如海之浪、（以賽亞四十八章十八節）主曰、作惡之人、不享平康、（同上二十二節）雖然、聖先知於二千餘年前、已預言現時人所欲行之事、先知云、彼輕遽以醫我民之傷云、平康、平康、而無平康、（耶利米六章十四節）爾曹當立道旁以觀、訪其舊途、何

爲善道則行之、如是可得平康、惟彼云、我儕不欲行、我設守望者、命曰、當聽角聲、惟彼曰、我不欲聞、故異邦人、爾曹當聽、斯會之衆、當知斯民所將遭者、地歟、聽我、必降災於斯民、爲其私念之報、緣不從我言、違棄我法、（同上十六節至十九節）又如帖前五章三節云、人適平康安泰之時而禍突臨、如產難臨於妊婦、必不得免、試想此次歐戰、豈非正應此預言耶、當歐戰未起時、萬國和平弭兵會、已訂於一千九百十四年八月二號開會、各國代表已抵海牙城內、並已准備良法、以使世界歸入太平之境、孰意於未開會前一日、歐洲突起最劇烈之戰爭、譬如天正清朗、忽陰雲密布、雷電交作、大雨傾盆、當時和平會中之各國代表、不得不束裝歸國、中有某年老耆鬚髮頽白、曾竭其生平

同盟降服與協約條約



法 國 威 爾 塞 列 斯 和 大 會 之 會 場

上帝全備誠命

同盟降服與協約條約

八十八

上帝諭此諸誠曰我乃耶和華爾之上帝曾導爾出伊及爾為奴之地

第一誠我之外母敬別神

第二誠母為己作偶像上天下地與地下水中百物母作其像母跪拜母

崇事蓋我耶和華爾之上帝乃忘耶之上帝惡我者我必討其罪
以及子孫至三四代愛我者守我誠者我賜之恩至千代

第三誠母妄稱爾上帝耶和華之名因妄稱耶和華名者耶和華必不以
之為無罪

第四誠當記憶安息日守為聖日六日間可勤勞作爾諸工第七日為爾
上帝耶和華之安息日是日爾與子女奴婢牲畜並居爾家之客
旅無論何工皆不可作蓋六日間耶和華創造天地與海及其中
之萬物至第七日乃安息故耶和華降福於安息日定為聖日

第五誠當敬爾父母使爾可久居於爾上帝耶和華所賜爾之地

第六誠母殺人

第七誠母姦淫

第八誠母偷竊


第九誠母妄證以陷人

第十誠母貪人之宅母貪人之妻與奴婢牛驢及其凡所有者

之力以籌調和之策、今一旦志願盡違、不覺失聲大哭、奇哉此事、如聖先知亦曾云及、
(5) 在以賽亞三十三章七八節曰、民中豪傑、哀號於邑外、求和之使、哀慟哭泣、大道荒蕪、行旅絕跡、敵人廢約、藐視城邑、不顧人民、夫經云求和之使者、因敵人廢約而哀哭、可知此言已應驗於歐戰之時、亦戰爭一起、海牙和約即作空文、會中諸人、見和平希望已失、均咨嗟不已、現歐戰已終、各國諸偉人、又將復設萬國實行和平會、其所定之旨、即嚴禁世界一切戰爭、但不識此次和平會果否再能實行、願閱者靜言思之、昔日和平會既不能收效於前、又安能收效於後、况今日歐戰、倘能除去人人怨心、則世界尙稍可望其和平、否則因此戰爭而使人民怨讟益深、恐將來之戰禍且較今爲烈、蓋戰爭之大小、皆準人心之惡念而造也、初由怨而生怒、繼由怒而相攻、故欲廢戰爭之根、莫善於除人心之惡念、欲除人心之惡念、非令人人信真道不可、夫真道即耶穌之福音也、耶穌兩字之意、即救人脫離罪惡、如馬太一章二十一節曰、彼將生子、當名之曰耶穌、因將救其民於罪中云、又如使徒行傳四章十二節曰、捨此別無救主、蓋天下人間、更無賜他名、我儕可賴以得救、

天使阻止戰爭

同盟降服與協約條約



美、國、派
赴、歐、洲
和、會、之
代、表、白
香、列、氏
之、肖、像。



美、國、大
將、白、里
斯、氏、爲
此、次、赴
和、平、會
之、代、表。

同盟降服與協約條約



美、之、國
務、總、理
藍、辛、氏
亦、爲、此
次、赴、和
會、諸、代
表、之、一。



美、副、將
好、時、氏、
今、任、爲
赴、和、會
之、代、表。

古聖先知約翰受上帝感動而見異象云、厥後我見四天使立於地之四極、執掌地之四風、使風不吹於地於海於樹、又見一天使自日出之處而上、執永生上帝之印、向得權傷地與海之四天使大聲呼曰、且勿傷地與海與樹、待我印我上帝衆僕之額、
 (啟示錄七章一至三節) 有多數解釋聖經預言者、皆稱預言中所謂之風係指戰事、(見耶利米五十一章一至二節) 預言中所謂四極、係指東西南北、可知四風、即指全世界大戰爭也。世界最大之戰爭、亦誠莫如歐戰矣、倘該戰至今尙未告終、則全球人民、難免死於刀兵饑饉之下、故上帝斯時有最緊要之警告傳於天下各人、以是歐戰暫停、設使連綿不已、則其警告又將何以普及哉。可知上帝現暫阻世界之戰爭、實欲使世人有受印之良機、然則上帝之印、乃與世人有絕大關係、吾人未可輕忽。否則惡魔方日鼓動戰爭、意欲世人盡陷其阱、烏得免其害、特幸其不能越乎上帝之定旨、故上帝反能使戰爭有益於人、如詩篇七十六篇十節曰、主因人之怒而顯榮美、其餘之怒主悉禁止。因此令吾思及歐戰以前、俄奧等國之民、無自由信道之權、倘自由讀聖經、以及傳基督教於國、則視爲不法之徒、然自歐戰告終後、則所有之困難、忽歸於烏有、雖新組共和國體者、國內尙未安謐如常、然基督教使者、可於國內自由佈道、匪特在歐



像肖遜爾威統總美



像肖氏沙滿勒克理總法



克佛軍將國法



氏愛羅治喬相首英

洲如此，卽五大洲亦莫不然。縱觀各國門戶，現已大開，各處無不歡迎基督教使者。核算今日西人四出傳揚福音之人，約有二萬五千餘人之衆，又加各處作傳道教書與發售聖經及教會書報之工者，亦有十二萬五千之多。現彼等竭力宣揚末世福音，使無數人民盡得聞所未聞。萬國青年會總書記毛脫約翰君嘗云：「斯時誠爲廣傳基督福音之時，捨此恐弗有若是之良機。因現時各邑門戶業已大開，以俟基督使者之來。如遠東近東南亞非洲及太平洋羣島等地皆是，故吾人宜乘此良機廣傳福音。過此以往，吾人斷不能再有此佳遇云云。」總之上帝於世界未毀滅前，必有一最要之警告傳於萬民，且該警告與上帝之印有絕大之關係，吾人乃不可不察。

末世之警告

末世之警告，亦謂三天使之警告。現已遍傳各國，因啓示錄十四章六至十節曰：「我又見一天使飛於空中，有永遠福音，欲傳於居地之人，卽傳於諸國、諸族、諸方、諸民。大聲曰：爾當敬畏上帝，以榮光歸之。蓋上帝行審判之時已至，當崇拜造天地海及諸水泉者。又一天使隨其後曰：大邑巴比倫，使萬國飲其邪淫之毒酒，傾矣。傾矣。又有第二天使隨其後大聲曰：若有拜獸及獸像，於額或於手受其印誌者，必飲上帝盛怒之酒。」

同盟降服與協約條約

夫如是則此警告中之意、決非難明、如所謂、爾當敬畏上帝以榮光歸之、蓋上帝



大地震動、主發忿、列邦莫當、爾當如斯告彼曰、非造天地之神、必亡於地、於此天下惟

行審判之時已至、其意則戒人、此乃不拜假神、宜拜獨一無二之真神、北京因其審判大日伊邇也、其日一至、新式、上帝必視各人所行而報之、凡步軍恆於行善、求尊榮及無壞者、則報一隊、以永生、凡違逆不順真理、而行不執五義者、則報以忿怒。(羅馬二章六至色國八節)而况經中所謂、當崇拜造旗離天地海及諸水泉者、其間自有營操真偽神之區別、古聖先知耶利米曾證明真神云、惟主乃真上帝、為永生之上帝、永世為王、主赫怒、

主以其大能創造大地，以其智慧奠定宇宙，以其明哲舒張高天。（耶利米十章十至十二節）以是知拜真神即拜造化之主也。但拜造化之主，須有一定之拜法，如傳道書十二章十三四節所云、事之大要、我儕俱當聽之、即敬畏上帝、守其誠命、此爲人之大端、一切所爲、及一切隱秘之事、或善或惡、悉爲上帝所轄、可知凡欲敬拜造化之主者、皆宜遵守主之十誡、其中之第四條、尤顯神造天地之權能、如出伊及二十章八至十節上段有云、當記憶安息日、守爲聖日、六日間可勤勞作爾諸工、第七日爲爾上帝耶和華之安息日、又如本書十一節有云、蓋六日間耶和華創造天地與海及其中之萬物、至第七日乃安息、故耶和華降福於安息日、定爲聖日、由斯觀之、敬拜真神之眞法、即守其誠、若守其誠、必守安息日、則每值第七日、必停止百工、以記念上帝造天地之權能、因安息聖日、係創造天地時而設立也。（見創世記二章一至三節）夫守安息日者、乃係受上帝之印、以安息日爲神與人往來之標記、如以西結二十章二十節曰、守我之安息日爲聖日、可於爾與我間爲證、使爾知我乃主爾之上帝、惜世上人民、強半不守眞安息日、緣自古時、世上人民、即受羅馬教皇之專制、至今已歷千有餘年、其根深蒂固、可謂久矣。當羅馬教皇威權最盛之時、世上曾有五千萬基督徒、

因不遵羅馬教之法，均死非刑，有受炮烙而斃者，有被火焚而死者，有與獸鬪而亡者，種種慘刑，實令人不忍云及。夫所有基督精兵，均成爲基督教殉道之士，亦可謂榮之至矣。然自經此變亂後，守上帝誠命者幾滅絕於世。又加羅馬國皇堪司炭聽欲顯其大權，乃於西歷三百二十一年時，下一詔書，命人均守太陽日，以替上帝之安息日。但安息日係七日之末日，太陽日乃係七日之首日，即世俗所謂之禮拜日或星期日，嗣

此以後之凡信教者，無一不守禮拜日。雖有改正教家起而平反羅馬教種種



比利時
無家可
歸之流
民慘狀。

教規，惜當日尙未能除盡禮拜日與耶穌聖誕等節，至今日仍因循未改。現有多數信教者，尙不知禮拜日爲羅馬教之遺規也。然主耶穌因此則曰：彼以人所命者爲教而訓人，故徒然奉事我云云（馬太十五章九節）。故知上帝在此末時，必有一種最緊要之警告，使世人棄僞道以從真道，凡信真道者必守其誠，而既守其誠者，則必守其安

息日也。夫末世警告共有兩大端。一即研究基督復臨之道，以備主之審判日。二即格遵上帝十誡，復守安息日以記念上帝。此兩大綱要，乃即基督復臨安息日會宗旨。欲研究末世警告者，何妨向此會討論之。查此會設於西歷一千八百四十四年，初發軔於美國，後漸及於各國，現全球各地，皆有此會傳道士之足跡，已幾遍及各處。宣傳末世警告，使諸國、諸族、諸方之人，皆得聞末世福音。此正應驗啓示錄十四章之一段預言也。况此等聖工，已蒙上帝祝福，使該會傳道士行遍各國，現已有如許種數之方言。宣傳末世福音，並在五大洲設有印刷所四十餘處，用多種文字印行該會書報。由斯觀之，末世之警告，將速遍傳於萬國，作證於萬民。然後末日乃至，蓋先知約翰於異象中，曾見三天使完其功，而後基督復臨，以設永不廢之天國。（見啓示錄十四章六至十六節）故凡願進入天國者，須注意啓示錄二十一章十四節所云，「守其誠者乃爲有福，彼等必得享生命樹之果，亦得由門中入邑。」竊願閱者諸君速定方針以遵行主誠，庶可受主之印，則俟末日一至，基督復臨，吾等即可與千萬聖徒偕入天國，永享主福。準是以談，則將來天國之福，實非言語所能形容也。今世之人，又何樂而不速離世俗，擇良法以求享將來之福。語云是道則進，非道則退，順天者存，逆天者亡，願人皆二復之。

第六章 萬國實行和平會

茫茫大地、芸芸衆生、處此競爭之世、誰不願天下熙熙、以免戰爭之患、故憂時之士、輒組和平會於各處、勸化世人、弭兵息戰、其宗旨可謂善矣。無奈自歐戰發生、該會毫無收效、然今仍復設法另組萬國實行和平會、意蓋欲實行其旨而免天下戰爭也。現今普通之人、一聞此種信息、無不額手相慶、但細察其究竟、吾人尤不能無疑。試觀各國報章、嘗登有評論該會宗旨之辭、考其會章、凡各國代表、須會議於都察院、不計何國、偶有交涉、均須派員赴會共決此事、後而按會章宣佈、倘有不服者、即委某國海陸軍以伐之、待其屈從而後已、如此以兵弭兵、又安能有和平之望耶、是故此舉不啻旋轉舊圈、仍然如是。如美國評論雜誌所云、該會之旨、本有益於人、然欲禁好武者之戰爭、頗非易事、但願會中職員、以利人爲己任、或可奏一時之效也。以上評論、誠然誠然。又英宰相法爾法理亦曾論及該會云、組織萬國實行和平會一舉、吾國聞之、莫不歡躍、人人願努力以助、然斷不可因之而縮小吾國航海之權也、由斯觀之、人均以和會雖美、若無武力強而行之、決不能收若何微效、夫既不能收微效、則世上或難



萬國實行和平會

往日歐戰中之大有多數軍人已成殘廢

免劇烈之戰爭、良以戰爭之事、本由人心所發、若不先除去人心之怨恨、定不能有和平之望、直不啻緣木以求魚也。然人心中之罪、非人力所能除去、惟主之聖靈、方能化惡爲善焉、是故欲得眞和平、必先人人受聖靈之感化、欲人人受聖靈之感化、必先遵守上帝十誡、深信基督眞道、如此、吾人方可有和平之望也。夫上帝之欲人深信眞道、非以霸力使之信、亦非以國律使之信、只惟藉凡充溢主靈者以勸勉世人、故知斯時吾輩雖努力協助和平會、以使世界有和平、而終無濟於事、因人人未受聖靈之感化、亦因基督尙未重臨設立天國、故世界之戰爭、當或難免也。試觀聖書預言、則知世界末日之前、必有最劇烈之戰爭、卽經中所謂、亞瑪革頓之戰、是也、斯時世界既無和平之聖、烏用多人籌和平之策、然是卻

將應先知之預言、如彌迦云、至於末日、主殿之山、必超乎諸山之上、高出諸嶺、萬民必趨赴之。將有多國之民往之、彼此語曰、我儕不如登主之山、赴雅各上帝之殿、望彼以其道教導我、使我履其途、蓋律法必自耶路撒冷而出、主之言必從耶路撒冷而發。主必審翰多國、平治强大之民、直至遠方、使以刀作犁、以戈作鎌、國與國不以刃相攻、不復學習戰事、（見彌迦四章一至三節）從此預言以觀、可知世界末日時、和平之聲不絕於耳、人將以刀作犁、再不學習戰爭之事、惜皆陽奉陰違、正如諺云、口是心非、可不懼耶。但聖先知約珥亦曾論及末世人之確實舉動、如約珥三章九至十五節有云、爾曹宣告於異邦中曰、當自備以戰、招募勇士、使武士俱至、以鋤製刀、以鎌製戈、弱者自勉曰、我有勇力、四周之異邦、合集速至、主歟、使主之勇士、亦降臨在彼、列邦之人當興起至約沙法谷、在彼我將坐以翰四周之異邦、禾稼已熟、當刈以鎌、壓酒處已盈、當至以踐、巨甕已洋溢、萬民之罪惡極大、衆庶無數、集於審判谷、主在審判谷行審判、其日伊邇、夫此經中所謂、禾稼已熟、當刈以鎌、此乃指基督復臨之時也。如啓示錄十四章十四至十六節曰、我又觀見白雲有似人子者坐於雲、首戴金冕、手執利鎌、又有天使自殿出向坐雲者大聲呼曰、地上百穀已熟、刈時已至、可用爾之鎌以刈、坐雲者

遂以鏃擲於地、而地之百穀被刈矣。而且論及世界末日必有之大爭戰、聖先知耶

利米於異象中、曾

早見之、如耶利米

四章十九至二十

二節曰、我心甚

痛、心腸哀鳴、不能

緘默、蓋我已聞角

聲、戰爭喧呼、災患

之凶報、絡繹不絕、

通國已敗、我幕突

毀、我帷傾於俄頃、

我見旗纛、我聞角

聲、何時為止、主曰、

我民愚拙、俱不知我、蒙昧之子、毫無明哲、惟巧於行惡、不知行善、噫、此時一至、誰能



將鋤 打成 刀劍、 將鏢 打成 戈矛。 (約 三 章 十 節)

當耶、惟、心志堅定者、主必守護、賜以平康、因主是賴、主賜平康、爾當賴主、至於永遠、因主爲自有之主、如磐可恃、永遠長存、（以賽亞一十六章三四節）

確實之千禧年


上題所論、不過云及世界之政治而已、現觀宗教、其中滋味、實令人味之不倦、特惜世人發生一種僞道、不得不令人狐疑、其大旨謂今乃智識時代、世人將歸正途、以信仰宗教、漸必除去兇暴之行而成良善、以故他日各國政權、皆須操諸基督徒之手、所行之法律善良無比、則一切惡風惡俗、自必歸於烏有、於時各國居民、皆可安享平康之福、然後耶穌基督臨世爲王、須歷一千年之久、卽經中所謂之千禧年也、當此之際、世界衆人、咸一例信道奉教、世界遂改爲天國云。

嗟夫、此種言論雖娓娓動聽、然實欺人之談、不知欺人適足以自欺也、彼輩不知研究聖經之法、徒恃己能以講解經意、殊未可信、倘吾等虛心詳究經中奧旨、自可免錯解經意之咎、並可知耶穌未曾言欲救此世界、不過言欲救現世人速離罪惡之世界、有、如使徒行傳二章四十節有云、又、又以多言警而勸之曰、爾當自救、離此邪世、然聖經尤未言及世人咸皆信道、僅言信之者不過少數人、如馬太七章十三四節有云、

近 世 之 競 爭

爾曹當進窄門、蓋引至淪亡、其門闊、其路寬、入之者多、引至永生、其門窄、其路狹、得之者少、可知世上之人、於此末世時、非但不能改爲良善、且愈變愈壞、故基督必臨世、救其聖徒

萬國實行和平會



美將白爾星

法將佛克

英將海格

離此世界、俾在新天新地中享其無疆之福。但基督重臨世界時、正如挪亞之日、挪亞時代、世人罪惡貫盈、上帝以洪水淹之、基督深知末世人之一切舉動亦復如昔、故謂已再來之日曰、人子之臨、正如挪亞之日、在洪水先、人皆飲食嫁娶、迨挪亞入方舟之日、不覺洪水忽至、淹滅其衆、人子之臨亦若是、此時二人在田、一見取、一見遺、二婦推磨、一見取、一見遺、故當警醒、以爾不知爾主何時至也、若家主知何更盜至、則必警醒、不致盜穴其室、此爾所知也、是以爾亦當預備、因爾不意之時、人子忽至、（馬太廿四章三十七至四十四節）既如此、果有千禧年乎、曰有、今余略講其實意、俾閱者得免魚目混珠之憾。

耶穌基督之再來時、聖先知但以理曾論及云、是時必有大難、自生民以來、至於其時、無有若是者、護爾民之大君米迦勒必興起、捍衛爾曹、斯時爾民凡名錄於冊者、必蒙救援、寢於地之塵埃者、多有復醒、其中有得永生者、有永受羞辱者、有智慧者必耀若天光、訓衆歸善者必如明星、直至永遠。（但以理十二章一至三節）夫所謂寢於地之塵埃必復醒者、乃指死人之復生也、其中有得永生者、亦有受沉淪者、可知當是之時、定即世界之末日、即賞善罰惡之大日、如哥林多前書十五章五十一至五十三節

曰、我今以奧妙示爾、我儕不盡死、而皆必變化、即於頃刻轉瞬之間、角末次吹響之時、蓋角必響、死者復活而永不壞、且我儕皆必變化、蓋此可壞者將衣以不壞、可死者將衣以不死。此乃謂末日一至、世上未死之義人、均必忽然變化、如經所云、我儕以主之言告爾、迨主降臨時、我儕尙生者、必不先乎已死之人、蓋天使長大聲呼號、吹上帝之角時、主必由天而降、則信基督而死者必先復活、此後我儕尙生而存者、必與彼衆同接至雲際、於空中迎主、如是我儕與主永偕。(帖前四章十五至十七節)故主耶穌再來時、凡誠心信真道者、已死之人必復活、未死之人必變化、一同接至天上、永享其福。至於凡不願信真道者、其結局正如啓示錄一章七節有云、耶穌必乘雲而臨、衆目必見之、刺之者亦見之、世間諸族將爲之哀哭。而且世上諸人、非但哀哭、且將趨匿洞內以避主怒、即如啓示錄六章十五至十七節所云、世上諸王、大夫、將軍、富人、有權者、爲奴者、自主者、皆匿於洞穴山巖、籲呼山巖曰、墜於我身、掩蓋我、可避坐寶座者之面、及羔之怒、蓋其怒之大日至矣、孰能當之。然凡至終不肯預備作義人者、其結局必被主降臨之榮光所滅。如帖後一章六至九節曰、上帝乃公義、凡以苦加爾者、上帝必以苦報之、又使爾受患難者、與我儕共得平安、迨主耶穌偕其有能之天

使由天而現之時、以烈火施刑、而報不識上帝不服我耶穌基督福音者、彼必受刑、永遠沉淪、離主之面及其大能之榮光。又如本書二章八節曰、然後彼不法者顯出、主將以其口中之氣滅之、以其降臨之輝耀廢之。此後世上義者即升天、惡者即滅亡、則地球混沌、正如耶利米四章二十三至二十七節曰、我觀地、地空虛混亂、觀天、天昏黑無光、我觀諸山皆震動、觀衆嶺盡搖撼、又見無有人矣、空中飛禽悉去、見良田荒蕪、其諸城邑、傾圮於主前、皆因主之烈怒、蓋主如是云、全地必荒蕪。又如本書二十五章三十一至三十三節曰、號呼之聲、聞至地極、蓋主譴責列邦、審判凡有血氣者、以作惡者付諸鋒刃、此乃主所言、萬有之主如是云、災害出自此國、延及彼國、自地至遠之處、大狂風驟起、當是時、主所殺戮者屍骸遍有、自地此極至地彼極、人不爲舉哀、不收殮、不葬埋、視若糞壤在田。可知主耶穌未降臨之前、世上本無一千禧年之時、緣基督復臨之日、即世界之末日、亦即滅盡罪人之日也。故凡望得救者、急宜乘現時悔罪改過、捨此良機、雖欲悔改亦不可得也。

夫世上既無千禧年之時、而吾人果有一千禧年之望乎、曰有、特不在罪惡之世耳、因經中有云、須待基督復臨、衆信徒復活變化一同升天後、此即千禧年之始也、昔聖先



萬國實行和平會

知約翰得啓示時、曾見此等人與主偕居天上、爲王
一千年之久、如啓示錄二十章四至六節曰、我見
數座位、有坐之者得審判之權、其爲耶穌之證、及上
帝之道被殺之人、未拜獸與獸像、於額於手未受獸
印誌者、我見其靈魂、彼皆復活、與基督同王一千年、
此乃首次之復活、其餘死者尙不復活、必待千年滿
也、凡得首次復活者、福矣、聖矣、二次之死、無權及其
身、彼必爲上帝及基督之祭司、並與基督同王一千
年、當此一千年既滿、魔鬼必被釋放、此後則古今
一切惡者均必復活、屆時新耶路撒冷城必由天降、
(見啓示錄二十一章二節) 當此聖城降至地球時、魔鬼
卽往四方招集多數復活惡人以攻此郇城、其所聚
人數多如海沙、且昔日之大君王、大元帥、富戶、勇士、
卽如亞力山大、與拿破崙等、均必出陣、此次戰爭之

劇烈、誠爲世上所未有。彼等所聚之衆，均齊圍新耶路撒冷，欲攻陷之。因該城即主耶穌及衆聖徒所居之城也。然方其正行圍攻聖城之際，忽有火自天而降，以燒滅魔鬼與惡者，屆時無一惡者可存於世。（見啓示錄二十章七至十五節）但見硫磺火繞地球而燒，世上一切體質全被銷鎔。於是上帝再造新天新地，爲義人之住所，即如經上所云：「今之天地，賴上帝之命而存，迨審判惡人淪亡之日，則以火焚之。」（彼得後書三章七節）主所許者尙未應驗，人以爲主遲緩，實則主非遲緩，乃寬容我儕，欲人皆悔改，不欲有一人淪亡。（同上九節）萬物既將消滅，則爾之舉動，當如何聖潔，當如何虔敬，希望切慕上帝之日至，是日天將被火焚燬，體質被烈燄銷鎔，惟我儕按主所許希望新天新地，即義之所居也。（同上十一至十三節）

盡善盡美之新天新地

經上曾預言上帝爲義人備居所云：「我造新天新地，昔所有者不復記誌，不復戀之於心，爾當因我所造者永遠歡欣喜樂，我造耶路撒冷，使人欣喜，造其居民，令人歡欣，我爲耶路撒冷歡樂，爲我民欣喜，哭泣與哀號之聲，不復聞其中。」（以賽六十五章十七至十九節）彼建宅第，自居其中，植葡萄園，自食其果，彼所建者他人不得居，彼所植



萬國實行和平會

者他人不得食、我民之壽、必如樹之天壽、我之選民、必永享己手勞碌而得使者、凡其所爲者、必不徒勞、所生子女、將必不夭亡、皆蒙我賜福之人、凡其所新生者、亦若是、彼尙未祈、我已允之、彼耶適禱告、我已聽之、狼與羔同食、獅嚼路草如牛、蛇以塵爲食、遍我聖山、不傷撒人、不害人、此乃主所言。(同上二十冷一至末節) 由斯觀之、足證主耶穌爲指信徒所備之郇城、洵爲最華麗之處示矣。昔聖先知約翰在異象中曾見新約天新地之美、其如何敘述聖城、均載於經內、茲爲閱者諸君便於知聞起見、特述其全文曰、我見有新天新

地、蓋前之天地已逝、海亦不復有、我約翰見聖城新耶路撒冷自上帝由天而降、預備齊全、如新婦妝飾以待其夫、我聞大聲自天出口、上帝之幕在人間、上帝將與人偕居、人將爲上帝之民、上帝在人間爲其上帝、彼目流淚、上帝盡拭之、不復有死亡、亦不復有悲哀號泣疾痛、蓋前事已逝矣、坐寶座者曰、我以萬物更新、又語我曰、此言真實可信、爾當筆之於書、又語我曰、畢矣、我乃亞勒法、我乃阿梅迦、我乃始、我乃終、我將以生命泉之水、不費賞而賜與渴者、得勝者將嗣萬物、我必爲其上帝、彼必爲我之子、但彼畏怯者、不信者、可憎者、兇殺者、淫亂者、有邪術者、拜偶像者、與一切言誑者、必受苦於硫磺火坑、此乃第二次之死、七天使執盛七末災之盃、其一就我曰來、我將以新婦卽羔之妻示爾、我感到靈時、天使攜我至一大且高之山、示我大聖城耶路撒冷自上帝由天而降、城有上帝之榮耀、城之光輝、如至貴之寶石、如澄澈之雅斯畢寶石、有高大之墻垣、有門十二、有十二天使守之、門上書以色列十二支派之名、東有三門、北有三門、南有三門、西有三門、城墻有十二基、基上書羔之十二使徒之名、語我者執金杖、欲量邑與門與牆、其城四方、長闊相等、天使以杖量邑、得一萬二千司他丟（約五千呎）長闊深高相等、又量其牆、得一百四十尺、以人之肘卽天使之肘爲度、牆以雅斯畢寶石

築之、邑以精金造之、如澄澈之琉璃、城垣之基、飾以各種寶石、一基乃雅斯畢寶石、二藍寶石、三綠瑪瑙、四綠寶石、五紅瑪瑙、六黃寶石、七黃璧璽、八水蒼玉、九紅璧璽、十翡翠、十一紅寶石、十二紫晶、十二門以十二珠作之、每門一珠、邑衢乃精金、如澄澈之琉璃、邑中不見有殿、蓋主及全能之上帝與羔爲其殿、邑中不需日月照之、有上帝之榮光照之、有羔爲其明燈、列邦必行於其光、世上諸王以己尊榮歸於是邑、邑中無夜、常爲白晝、門永不閉、人以列邦之尊榮亦歸是邑、凡不潔者、行可憎之事者、與言誑者、皆不得入此邑、惟錄於羔之生命冊者、始得入焉、（啟示錄廿一章全章）

萬國實行和平會



美哉斯邑、先知約翰於當日已見之矣、夫末日未至、上帝已爲古今之選民備此美地、待新郇一降時、其門即啓、而迎之以作天國聖潔之民、試思吾人平日所居最繁盛之城市、所覩最華麗之物件、及所聞最悅耳之樂聲、能有此郇地之美耶、要知上帝所備之樂土、其美備真令吾人不可測也、卽如哥林多前書二章九節所云、上帝爲愛之者所備之事、目未見、耳未聞、人心亦未念及也、

最危之狡謀

嘗聞人云、基督復臨之後、世人猶有悔改之機、可得重生之望、噫、此乃魔鬼之狡謀也。蓋其欲藉是言以惑世人、使人不備基督之再來、以致至時受主之殲滅、是故凡聞其道而信之者、直不啻病人之吸蒙藥、不覺痛苦。又不啻熟睡於鐵軌之上、不知命在須臾。可知凡注重世俗、視宗教如敝屣者、非特欺人、實自欺耳。世上更有一等愚人、以爲悔改之日尙早、不妨於現時多賺錢財、後再信道亦不晚、然須知此等愚人、正如經上所云、有一富人、其田所產甚豐、心中自念曰、我之物產、無處可藏、將若何而行、又曰、我必如此行、毀我倉廩、別建其大者、以藏我百穀及所有、後將自謂我心曰、我心歎、今有多物爲多年之用、可安然飲食歡樂、惟上帝謂之曰、愚者乎、今夜將索爾靈、則所備


者歸於誰、凡爲己積財、而在上帝前不富者、亦如是。(路加十二章十六至廿一節)又如經上因此以警吾人曰、爾當自慎、勿以饜飶沈湎、及世事之思慮、昏迷爾心、恐其日突然臨爾、因其日如網羅、猝臨於遍地居民、故隨時宜警醒、祈禱、使爾得避將來之災、而立於人子之前。(路加二十一章三十四至三十六節)由斯觀之、諸君幸勿自欺、亦切勿受欺於人、宜憶諺云、萬勿輕生而重利、蓋此語誠不誣也。

今乃得救之時

世上之人、多以富貴爲無價之寶、殊不知富貴若浮雲、聚散無常、人雖能畢生享富貴之福、然死期一至、祇得空手而去、正如諺云、生不帶來、死不帶去、亦如約翰一書二章十六七節有云、蓋凡在世、如肉體之慾、眼目之慾、及一生之驕奢、皆非由父、乃由世也、世與世之慾、皆將逝、惟遵行上帝之旨者、永存。

約三千年前、有一最有權之王名所羅門者、其富有天下、貴爲天子、并具空前絕後之才、(見列王上三章十二至十三節)彼曾將其一生所歷之事、著成一書、其書中有云、我自思曰、不如試宴樂、享安逸、乃知此亦屬於虛、我言嬉笑爲狂宴樂、何爲、我又自思、我且飲酒以樂我身、心仍導以智慧、又執守愚拙、直至我得見人生在世、終身行何事爲美、

萬國實行和平會



一百十四

新 天 地 新

於是廣興工作、建造屋宇、植葡萄園、立園圃、栽各類果木於其中、掘池沼以灌林樹、購奴婢、亦有生於家之奴婢、又有牛羊衆多、勝於先我居耶路撒冷者、又積貯金銀、與列王諸國之珍寶、又得歌男歌女、及世人所樂者、以及妃嬪、如是我甚昌大、一切無不增加、勝於先我居耶路撒冷者、然我之智慧猶存、不禁我目欲所欲者、不禁我心樂所樂者、蓋我既勞碌操作、我心宜享樂、此我由我一切勞碌所獲之分、厥後我觀我手所經營一切、及我所勞碌而得者、乃知皆屬於虛、皆如捕風、在日下毫無所益、我轉觀智慧、狂妄、痴頑、我既爲王、後我而來者能行何事乎、不過行所已行者、我雖見智慧勝於愚昧、如光明勝於幽暗。、（傳道書二章一至十三節）又如本書十二章十三節有云、事之大要、我儕俱當聽之、即敬畏上帝、守其誠命、此爲人之大端。、要知吾人無價之寶、乃智慧也、當憶箴言九章十節有云、敬畏主乃智慧之始、識至聖之主、卽是明哲。、故凡識主者、宜無不可得永生之福、如約翰十七章三節云、夫永生者無他、卽知爾爲獨一眞上帝、且知耶穌基督爾所遣者。、由斯觀之、則著者切欲勸告閱者諸君、速得上帝之智慧、凡得之者、卽有進天門之鑰匙、庶可享將來之福、但欲得若是之智慧者、必先信眞道、並查考救世教聖經、否則無法可得。（見約翰五章三十九節）時屆於今、實乃

得救之時、凡誠心尋求永生之福者、即可得之、因耶穌曾爲此事特語吾人曰、我耶穌遣我使者、以此諸事爲諸教會告爾曹……聖靈與新婦皆曰來、聞之者亦當曰來、凡渴者當來、凡欲之者、可以不費貲而取生命之水。(啟示錄二十二章十六節上段及十七節) 是故無論何人、凡願求聖靈之恩賜、並將勞苦重擔付於耶穌者、必得平康。(見馬太十一章二十八節) 况主所賜之平康、尤非若現世之平康、因世界之平康乃係暫時、主之平康乃係永遠、且使受之者心意滿足。(見約翰十四章二十七節)


主曾應許因罪失望者曰、爾曹皆來、我與爾明辨、爾罪雖如硃色、必將白如雪、雖紅如絳、必將白如羊毛。(以賽亞一章十八節) 至於救贖我儕之價、主已償還、正如哥林多前書六章二十節有云、蓋爾爲重值所購、爾身爾神、皆屬上帝、故當以身以神、歸榮上帝、故知耶穌流血、特使世人得免永遠之死、如羅馬人書五章六至十節曰、我儕無力時、基督於所定之期、爲罪人死、夫爲義人死者鮮有之、爲仁人死或有敢焉、乃基督於我儕尙爲罪人時、爲我而死、上帝以此彰其愛我之愛、今我儕因基督之血、既得稱義、不更可賴之而免怒乎、我儕爲敵之時、賴其子之死、得與上帝復和、今已復和、不更因其生而得救乎、從此可知、人在基督則爲新造之人、舊事已逝、一切更新、

萬事皆由上帝而有，上帝又藉耶穌基督使我儕與已復和，且以勸人與上帝復和之職授我，蓋上帝在基督內，使世與已復和，不以其罪愆歸之，且以復和之道託我儕，是以我爲基督之使，如上帝藉我而勸爾，我代基督求爾與上帝復和，上帝使彼無罪者爲我儕成爲罪，使我儕因彼成爲上帝之義。（哥林多後書五章十七至廿一節）夫耶穌既爲我儕出贖罪之價，以備新天新地，使我儕不費貲而得居，試思世上可有若是之良友耶，今耶穌既爲吾人若是之良友，命吾人不費貲而居其聖城，吾人豈忍尙自觀望，而不起而從之歟，請觀經上有云，「凡爾渴者當來就水，無金者亦來，爾曹悉來購而食，雖無金亦可來購，雖不予以價值，亦可沽酒與乳，爾胡爲以金購不足爲食之物，胡爲以勞而得者，易不能使爾得飽之物，爾聽從我，可食嘉肴，享豐美而中心歡暢，爾其傾耳就我而聽，爾心則可蘇醒，我與爾立永約，以所許大衛之恆恩賜爾。」（以賽五十五章一至三節）再請觀本書本章六七節有云，「主可尋得，爾當求之，主離不遠，爾當籲之，惡人當離其途，不義者當屏除其謀，歸誠於主，主必矜恤之，當歸誠於我，上帝，蓋上帝廣行赦宥。」

閱者諸君，讀此書能無動於心耶，余今奉勸諸君，急宜早備，今乃得救之時，捨此恐將

弗及、須知人生若朝露、誠若諺云、今晚脫了鞋和襪、不知明朝穿不穿、是故吾人萬勿懷疑瞻望、坐失良機、當急速信基督真道、遵行主誡、庶可得享永生之福也。再耶穌於世傳道時、不分畛域、經內歷歷可證、故望閱者諸君、幸勿以基督教爲西教、當知世上人人、均宜乎信仰此教、現今此教之福音已遍傳於世、若讀此書者既明斯道、則卽應信之而遵行之、庶可擔登道岸、故願各人能憶經語云、信子者則有生命、不信上帝之子者則無生命。(約翰一書五章十二節)

夫著此書之旨、不外勸人速離罪海而就真道以享永生之福、然如此、則基督教所傳之救世福音、卽可一言以蔽之曰、上帝愛世、至以獨生子賜之、使凡信之者免沉淪而得永生。(約翰三章十六節) 故願世人早定方針、信賴救主、幸勿以斯言爲河漢、則獲益當匪淺矣。



中華民國八年
九月初二日
版

版權
所有

近世之競爭一册

定價 洋二角七分

著 作 人 美 國 施 塔 福

發 行 所 上 海 時 兆 報 館
上海甯國路二十五號

代 派 處 基 督 復 臨 安 息 日
會 各 省 售 書 報 房

介 紹

聖道指引 此書共分一百餘題，可作公衆與私人的讀本，且答覆一千餘條宗教與實用並歷史以及預言種種的問題，各題均引用聖經與歷史中極簡單而又明顯的話，回答一切的問題，計此書官話五百六十八面，洋裝堅紙面中國境內大洋八角，郵費在內。文話二百三十面，洋裝堅紙面中國境內大洋五角，郵費在內。

基督實錄引義 此書乃備述救主耶穌在世所有的事蹟，用極有趣味，與觸目驚心的法子，引導孩童與青年人歸主，書中遍插畫圖，此書共分官話文話兩種，文話一百零九面，洋裝硬紙面實價大洋六角，硬布皮大洋七角五分，官話七十二面，紙皮華裝，實價大洋一角，以上各價，郵費均在內，且均限中國境內。

但以理講義 此書乃將但以理全書逐節詳細解釋，能以幫助發表拯救人的各種完全救法，與每位讀聖經的人，有極大的幫助，文話官話都有一百七十七面，洋裝紙面實價每本大洋五角。

啓示錄句錄 凡讀但以理講義的人，也必須將此書一齊並讀，因這兩本書有連帶的關係，並且沒有別的書能解明現今世界各事的意思，如同這兩本的，此書也分文理官話兩種，都有二百二十六面，洋裝紙面中國境內，每本實價大洋五角，郵費在內。

凡購以上各書可向各省本會執事接洽或函告上海寶國路廿五號時兆報館發行所也可。

◀ 聞 奇 之 異 月 新 日 ▶

現今正係一新奇之時代，自古至今，初無如目前所遇之諸多奇事者。古先知所書之預言，至此已次第應驗。試觀各種日報之所載，乃無非歷史上著名之大事。但惜各日報中，尙未發明如許大事，究竟有何重要之意。爲此吾僑思及目前各國所有之困亂景象，則卻在一千九百餘年前，已爲猶太國拿撒勒之大先知所預言。彼所言目今之種種大事，俱詳載於一册奇書中。吾僑細究是書，即可明悉此種種大事之真意。故茲特本研考此書之所得，以撰成時兆月報發行。凡欲熟察此大事以及過去未來大事之真相者，購閱此報，當可知之。因此報對於是種疑難問題，均無不詳細研究，更取以上所云之奇書爲本。故此報不獨以登載日報所有之奇事奇聞見長，尤能於如許大事發揮其底蘊，使讀者確知如今世界究竟居何地位。計此報每月發行一册，可由郵寄往各處。其中內容優美，材料豐富，實中國人人所宜閱者。凡願訂本報諸君，可將下附定單之空處填明姓名住址，剪下，與報費一同寄至本館，其報費亦可代以郵票，則即可月月得閱此報。而知世界大事之眞解。計此報分文理官話二種，諸君訂閱全年，各大洋壹元，半年各大洋陸角，郵費在內。若欲訂閱何種，示知即照寄不誤。

上海寧國路時兆報館謹啓

| | | | | | |
|------|---|---|---|------|---|
| 單 | 定 | 報 | 月 | 兆 | 時 |
| 中華民國 | 年 | 月 | 日 | 時兆月報 | 文 |
| | | | | 官話 | 理 |
| | | | | 份由 | 年 |
| | | | | 月起 | 按 |
| | | | | 月 | 寄 |
| | | | | 交 | 下 |
| | | | | 列 | 地 |
| | | | | 址 | 爲 |
| | | | | 盼 | |
| | | | | 茲 | 付 |
| | | | | 上 | |
| | | | | 大洋 | |
| | | | | 定購 | |
| | | | | 姓名 | |
| | | | | 地址 | |
| | | | | 定單 | |

#10

082143

華美人在歐助聯軍

此畫即描寫一既往史乘之重要事情。乃歐西戰線所經歷者。當一千九百十八年五月間。德人在法國北方不卡地。向巴黎出發。第二次之追逐時。某日英法聯軍以軍力薄弱之故。戰線被敵衝斷。因而兩軍戰線之中。留一巨隙。無人防守。是時美軍在此戰陣。尙未有通常之活動。僅有一隊機器工程師。督率華人在戰線塹壕後。作各種建築之工。忽聞此驚耗。各機器工程師見此危機。即將華工編成軍隊。給與鎗械。率領抵抗德軍。卒將德軍之戰潮阻退。堅守戰線。使無失陷。俟英軍增加兵力來陣救援。此事乃一武官所目擊者。據云我未見有如華人之若斯悅意乘機與敵軍交鋒。在於鎗林彈雨之中。無稍驚怯者。彼其英勇。令人詫異。可見華人足可爲爭戰中之精兵。此其確證。事後即將發給華工所用之鎗。贈之以作獎品。在此畫之左邊。則一份之華美軍進前。路經一火燒古炮臺。得與英軍聯合。在右邊之畫。乃英軍正過一森林。向華美軍進行。在畫之中前面有一英機關砲。彈擊德人。蓋適當彼在後方由一焚燬村落前進。而橫踐田園以行也。在最右邊有一法武官策馬直前。注目華美軍士之膽畧。與無窮觀止之嘆。聯軍此次在歐洲血戰之中。得奏凱旋。多賴美國出如此勝利大軍往歐助戰。然亦十萬之華人在法國戰線後。作良好之勤謹工作而成也。